

# ახალი განათლება

18 - 24 მაისი 2017

ფასი 1 ლარი 70 თეთრი

№18 (772) გაიშინა 1998 წლიდან

www.axaliganatleba.ge

## ადრეული განათლება

### ფანჯარა მეტი შესაძლებლობისკენ

„აღიქვანებული განათლებაში ინვესტიციის ჩადება ქვეყნის სიღარიბედან გამოყვანის უმოკლესი გზაა. ეს ახის ტრანსპარენტობის შედეგად. ჩვენ, მსოფლიო ბანკში, გვჯერა, რომ თუ დღეს ამას ახ გავაკეთებთ, მახცხისთვის ვახი განვიხილო, ხადგან ქვეყანაში, ადამიანური რესურსის განვითარებისთვის, გზა სწორად ხახიხსნიან სკოლაში განათლებაზე გადის.“ – მახნი მიჩანბ ტამბონი

„თითოეული დღახიც კი, რომელიც ჩადებული იქნება ადრეული წლების განათლებაში, დაზოგავს შვიდ დღახს, რომელიც მომდევნო წლებში დაიხახება.“ – ლინა მახი ბანი



unicef for every child

გვერდი 4

## სკოლის გამოწვევები

### ბარიერები „უბარიერო“ პროფესიაში

თახი მონახშინი: „სკოლას მეტი თავისუფლება სჭიხდება იმისთვის, რომ თავად დაგებმოს საკუთახი საქმიანობა. სკოლა და მასწავლებელი ცენტახილებულად მიღებული დიფერენციების შემსხილებელი ახ უნდა იყოს.“



სიომე ჯანახია: „ცენტახილებული სისტემა, რომელიც მასწავლებლის განვითარების სისტემას ანახიგებს, აბსუდელია.“




გვერდი 2

## ქართული სტუდენტები უსხოეთში

### საკუთარ თავს ოცნახები შენ თვითონ უნდა აუხლირო

„ჩემი, ხომოც ჰიხონების, ჩამოყალიბებაში დიდი რლი ითამაშა გეხმანიაში ცხოვრებამ. ლიხებულებების გადაფასება დხოთ განმავლობაში მოხდა. კახგია, ხოცა ქვეყნიდან გასვლის საშუალება გეძლევა, მეხე შეგიძლია ხალაცები ეხომანეთს შეადახო და უფრო მიხვდე, ახ მოგნონს და ახ ახ, ახ უფრო ლიხებელია და ახ ახ. შეიძლება, ადრე ახც ძვირფასად მიგაჩნდა, ფახი დაკახგოს, სხვა თვალთ შეხედო. ეხომპაში ცხოვრებამ მსოფლიო აღმომარჩინა.“ – მანი ინბოჩოყვა




გვერდი 6



მასწავლებლის გიგლიოთაქა

## პროფესიული უნარები

დახმარა სახანქლანაო განათვნიცია უნდა სახნის მასწავლებლისთვის



### პროფესიული უნარების სახანქლანაო

დაგეხმარებათ დამოუკიდეზლად მოეზადოთ ვედაგოგიური უნარების გამოცდისთვის. მასალა წარმოდგენილია კითხვა-პასუხის სახით, მდიდარია კონკრეტული მაგალითებით და შეიცავს ცოდნის შესამოწმებელ ტესტებს პასუხებით.

თემახიქა: გაკვეთილის დაგეგმვა, სწავლების მეთოდები, კლასის მართვა, შეფასება, რესურსები, კათედრაზე მუშაობის ფორმები, გამჭოლი კომპეტენციები, მოტივაცია, ინკლუზიური საკლასო გარემო და ის, კომუნიკაცია, სასკოლო კონფლიქტები, გაკვეთილის ტიპები, საგანმანათლებლო რესურსის ტიპები და მისი შექმნის ეტაპები, სწავლის და განვითარების თეორიები და ა.შ.

ფასი – 15 ლარი მიმდინარეობს ხელმოწერა

სკოლის გამოწვევა

ბარიერები „უბარიერო“ პროფესიაში

„ბანათლების ხარისხზე უმთავრესი გავლენა მასწავლებლებს აქვთ, მასწავლებლების ხარისხზე კი – ბანათლების პოლიტიკას“ – წვლილი ამ პრობლემის გარშემო ტრიალავს სისტემა, ამაგრამ არც თუ ეფექტურად. სკოლაში ისევ პროფესიონალი მასწავლებლების დეფიციტია და ჯერ კიდევ გვერდი მასწავლებელი იღვწის, რომ სახელმწიფოს დაუდასტუროს კომპეტენციები როგორც საბნობრივ, ისე პროფესიულ უნარებში – მოგახსენებთ, რომ ახალი სქემის მიხედვით, გამოცდა კომპეტენციების დადასტურებით შეიძლება და ბარიერიც აღარ არსებობს. წელს 27 აპრილს ადამიანი დარბაზისტირდა, მათგან ნაწილი მოქმედი მასწავლებელი და კომპეტენციების დადასტურება სურს, ნაწილი კი – პროფესიაში შესვლის მსურველი.

რატომ ვერ ვითარდება სკოლა და რა უშლის ხელს მასწავლებლების პროფესიულ ზრდას? რატომ უნდა რა ქმნის ბარიერს საბარიერო პირობების – დანახარჯული ქულები თუ მასწავლებლის პოლიტიკა? – ამ თემაზე დარბაზისტირება: ბანათლების დოქტორი სიმონ ჯანაშია და სამოქალაქო განვითარების ინსტიტუტის სპეციალისტი თამარ მოსიაშვილი საუბრობენ.

რა აფერხებს ხარისხიანი ბანათლების მიღებას სკოლაში?

სიმონ ჯანაშია:

სწავლის ხარისხი რომ გაუმჯობესდეს, სკოლები განვითარებადი უნდა იყოს. სკოლების განვითარებას კი ორი რამ სჭირდება – ხელშეწყობა და რესურსები. ხელშეწყობა რეგულაციების გამარტივებით ან იმით, რომ დაინახონ სხვა შესაძლებლობები, რაც მათ გარემო არსებობს. მაგალითად, როგორ შეიძლება მონაცონ სასწავლო პროგრამები სხვაგვარად ან როგორ შეიძლება განსხვავებულად გამოყენებულ რესურსები, რომლებიც უკვე აქვთ და ა.შ. რეგულაციები კი, რაც შეიძლება ნაკლებ ბარიერს უნდა უქმნიდეთ. თუ სისტემა განვითარებადი არ იქნა, სწავლის ხარისხი ვერ აიწევს, არსებული სისტემა კი არა განვითარებაზე, არამედ შენარჩუნებაზეა ორიენტირებული – შეინარჩუნოს არსებული მასწავლებლები, სასწავლო გეგმა, სახელმძღვანელოები. მანამ ასეთი სისტემა იქნება, სკოლა ვერ განვითარდება. დღევანდელ სისტემაში გადაწყვეტილების მიმღები პირები პირდაპირ ამბობენ, რომ კარგ სკოლას თავისუფლებას იმიტომ ვერ მივცემთ, რომ ცუდი სკოლები ამ თავისუფლებას ცუდად გამოიყენებენ. ბუნებრივია, ეს კარგი სკოლის განვითარებას აფერხებს, ან თუ შეეცდება განვითარდეს, სახელმწიფოს უმაღლეს, მაგალითად, დამატებითი რესურსების გამოყენებას, რადგან შეიძლება ამისთვის დაისაჯოს კიდევ. თუ სკოლაში ცნობილ მწერალს მიიწვევ იმისთვის, რომ ლიტერატურა ასწავლოს, შეიძლება დაგსაჯოს.



ოპონენტები ასევე გვიმტკიცებენ, რომ კვალიფიციური კადრის სკოლაში დასაქმებამ შეიძლება ადამიანის შრომითი უფლება დაარღვიოს. ამგვარი მოსაზრება თავდაყირა აყენებს სკოლის შექმნის უმთავრეს მიზანს. სკოლები, დედამიწის ყველა ქვეყანაში, შექმნილია იმისთვის, რომ იქ ბავშვებმა ისწავლონ. სახელმწიფოები, მოქალაქეები იმიტომ აფინანსებენ სკოლებს, რომ გაზრებული აქვთ ის მიზნები, რასაც ეპოქა უყენებს ქვეყნებს. მასწავლებლის, ისევე როგორც ყველა დასაქმებულის შრომის უფლება, რასაკვირველია, დაცული უნდა იყოს, მაგრამ არა ბავშვის უფლების დარღვევის ხარჯზე. ბავშვს კი აქვს უფლება მიიღოს მაღალი ხარისხის განათლება, მას აქვს უფლება, რომ ასწავლიდეს კვალიფიციური მასწავლებელი.



როდესაც კვალიფიციური კადრების სკოლაში შესვლის თაობაზე ამგვარ მოსაზრებებს ვისმერ სახელმწიფო მოხელისგან, ფიქრობ, მისი შიში უკავშირდება ცვლილების პროცესში განაწილებული ადამიანების ხელისუფლების მიმართ დამოკიდებულების ცვლილებას. თითქმის ყოველ წელს არჩევნება და თითქმის ყოველ წელს ხელისუფლება თავს იკავებს, მწვანე შუქი აუხეთოს კვალიფიციურ და მოტივირებულ კადრს სკოლაში. ხელისუფალს არ აწყობს განაწილებული ადამიანები.

დანარჩენ შემთხვევაში, დარდი უსამსახუროდ დარჩენილ ადამიანებზე, ამაზე ხმაზეა ემოციურად საუბარი, ჩემთვის არაფრის თქმედი გულწრფელი სენტიმენტებია. ჩვენ ბევრი კვალიფიციური მასწავლებელი გვჭირდება, რომლებიც ხარისხიან განათლებას მისცემენ ბავშვებს. როგორმე უნდა გავიაზროთ, რომ მასწავლებლობა განათლებული ადამიანის პროფესიაა. როდესაც საზოგადოების მოთხოვნა გახდება კვალიფიციური მასწავლებელი, მხოლოდ შემდეგ მიიღებს გადაწყვეტილებას ხელისუფლება, კვალიფიციური კადრებიც შეიძლება სკოლაში დასაქმებას. მაგრამ დღეს ვერ ვხედავ, რომ საზოგადოებას, მშობლებს, სასკოლო თემს კვალიფიციური მასწავლებლის მაღალი მოთხოვნა ჰქონდეთ.

ოჯახები პრობლემას ამგვარად ჭრიან: შვილები მიჰყავთ რეპეტიტორთან, საჯარო სკოლიდან გადაწყვეთ კერძო სკოლაში. მაგრამ რა ქნას იმ ოჯახმა ვისაც არ აქვს შესაძლებლობა, ყოველწლიურად, რამდენიმე ათასი ლარი დახარჯოს შვილის განათლებაში?

საყურადღებოა ისიც, რომ სერიოზულ პრობლემებს ქმნის სახელმწიფო რეგულაციები. მათგან ყველაზე მნიშვნელოვანს გამოვყოფ. სკოლებს, სამუხაროდ, არ აქვთ უფლება დამოუკიდებლად მართონ ადამიანური რესურსი. მე არ ვიცი, რომ რეგულაციას, სადაც ნათლად აღწერილი როგორ უნდა დაინყოს მუშაობა კვალიფიციურმა და მოტივირებულმა ადამიანმა სკოლაში. მაგალითად, თუ დირექტორმა გადაწყვიტა ქიმიის მასწავლებლის (რომელმაც ვერ დაადასტურა საგნობრივი კომპეტენცია, ვერ გადალახა საგამოცდო ბარიერი) ჩანაცვლება უფრო კვალიფიციური კადრით (რომელსაც ჩაბარებული აქვს გამოცდა და დადასტურებული აქვს კომპეტენციები), მერმშენეთ, ამას სკოლის დირექტორი ვერ შეძლებს. თუ გახდება, ამ ქმედებას არასასურველი შედეგი მოჰყვება, მინიმუმ, სასამართლო პროცესს ნაავებს.

როდესაც ახალი კადრის სკოლაში შესვლის აუცილებლობაზე ვსაუბრობთ, ოპონენტებს აქვთ არგუმენტები. ისინი დაჟინებით გვემტკიცებენ, რომ საგამოცდო ბარიერის გადალახვა არ ნიშნავს მასწავლებლის მაღალ კვალიფიკაციას. ოპონენტებს ვეთანხმები, ცხადია, არ ნიშნავს, თუმცა საგნის ცოდნის გარეშე შეუძლებელია სამყაროში არსებობდეს კარგი მასწავლებელი. ამასთანავე, მუდმივად იმის მტკიცება, რომ საგნობრივი კომპეტენცია არ არის მნიშვნელოვანი, კიდევ უფრო უფერულს ხდის მასწავლებლის პროფესიას, ამ გზავნილით მომავალ თაობას ვუბნებთ, მასწავლებლობა თუ გინდა, ბევრის ცოდნა საჭირო არ არის. არადა, მასწავლებლის პროფესია იმითაა საინტერესო, რომ ადამიანს რთავს უწყვეტი განათლების პროცესში, უბიძგებს გაიაზროს საკუთარი პრაქტიკა, მოიპოვოს მაღალი ავტორიტეტი სკოლაში და თემში.

როდესაც კვალიფიციური კადრების სკოლაში შესვლის თაობაზე ამგვარ მოსაზრებებს ვისმერ სახელმწიფო მოხელისგან, ფიქრობ, მისი შიში უკავშირდება ცვლილების პროცესში განაწილებული ადამიანების ხელისუფლების მიმართ დამოკიდებულების ცვლილებას. თითქმის ყოველ წელს არჩევნება და თითქმის ყოველ წელს ხელისუფლება თავს იკავებს, მწვანე შუქი აუხეთოს კვალიფიციურ და მოტივირებულ კადრს სკოლაში. ხელისუფალს არ აწყობს განაწილებული ადამიანები.

როდესაც კვალიფიციური კადრების სკოლაში შესვლის თაობაზე ამგვარ მოსაზრებებს ვისმერ სახელმწიფო მოხელისგან, ფიქრობ, მისი შიში უკავშირდება ცვლილების პროცესში განაწილებული ადამიანების ხელისუფლების მიმართ დამოკიდებულების ცვლილებას. თითქმის ყოველ წელს არჩევნება და თითქმის ყოველ წელს ხელისუფლება თავს იკავებს, მწვანე შუქი აუხეთოს კვალიფიციურ და მოტივირებულ კადრს სკოლაში. ხელისუფალს არ აწყობს განაწილებული ადამიანები.

ოჯახები პრობლემას ამგვარად ჭრიან: შვილები მიჰყავთ რეპეტიტორთან, საჯარო სკოლიდან გადაწყვეთ კერძო სკოლაში. მაგრამ რა ქნას იმ ოჯახმა ვისაც არ აქვს შესაძლებლობა, ყოველწლიურად, რამდენიმე ათასი ლარი დახარჯოს შვილის განათლებაში?

რამდენად უზრუნველყოფს სქემა მასწავლებლის პროფესიულ ზრდას?

სიმონ ჯანაშია: ასეთ პოლიტიკის ინსტრუმენტში სხვადასხვა ჯგუფს სხვადასხვა რამ აინტერესებს ხოლმე, მაგალითად, ნაწილს – ისეთი სისტემის შემუშავება, სადაც მასწავლებლების დიდი ნაწილი ვერ მიიღებს ფინანსურ გაუმჯობესებას და ბევრ მასწავლებელს სწრაფად არ მოემატება ხელფასი. ამისთვის უნდა შეიქმნას ისეთი სისტემა, რომელიც მხოლოდ მცირე ნაწილს მოუმატებს ხელფასს და ეს სქემაც ამას ემსახურება. ფაქტია, ისეა გაკეთებული, რომ 20 პროცენტზე მეტი მხოლოდ საფეხურზე ვერ გადავიდეს, უფრო ზევით – მესამე საფეხურზე, მასწავლებლების, დაახლოებით, ერთი პროცენტია. პრინციპში, სქემა ამ მიზნისთვისაც კი ცუდადაა დაგეგმილი. რაც უფრო ზევით გადადიხარ, მით უფრო მეტად ეკისრება სკოლას გადაწყვეტილების მიღება, ეს კი გამოიწვევს იმას, რომ რაღაც მომენტში, უცებ, შეიძლება ძალიან ბევრი მასწავლებელი გადავიდეს მესამე და მეოთხე საფეხურზე.

სქემის მეორე პრობლემა ის, რომ კრიტერიუმებით მანიპულირების გარეშე შეუძლებელია ფინანსური დაგეგმვა. თუ არ იცი, რამდენი ადამიანი უნდა გადავიდეს ერთი საფეხურიდან მეორეზე, ბუნებრივია, ფინანსებს ვერ დაგეგმავ. სინამდვილეში კი, პირიქით ხდება, ავგისტროში იგეგმება ხოლმე შემდეგი წლის ბიუჯეტი, გამოცდები კი იანვარშია. თავისთავად, შეუძლებელია ავგისტროში იცოდეს იანვარში რა შედეგებს მიი-

ღებ, თუ ნინასწარი პროგნოზი არ გაქვს. პროგნოზი, მხოლოდ და მხოლოდ, იმ შემთხვევაში გამართლებია, თუ შემონების შესაბამისი ინსტრუმენტები გექნება, მაგალითად, თუ ტესტირებას ცოტა გადალახავს ან ტრენინგების გავლა ხელფაზურად შეზღუდავ. ასეთ შემთხვევაში, ცოტა მასწავლებელი მიიღებს კრედიტს და, შესაბამისად, ცოტა – ხელფასის გაუმჯობესებას. ეს ყველაფერი ძირს უთხრის იდეას, რომ ყველა, ვინც იმსახურებს ერთი საფეხურიდან მეორეზე, საკუთარი ძალისხმევით ან ცოდნის შესაბამისად, გადასვლას, გადავა.

ეს სქემა სინამდვილეში ილუზიაა, რასაც მასწავლებლებს უქმნიან – რომ დამსახურებულ პირობებს მიიღებ და რასაც რაციონალურად დაგეგმავ, აუცილებლად განახორციელებ. ეს ილუზიები დიდი ხანი ჰქონდათ საბჭოთა კავშირშიც – თუ კატეგორიებს შემოიღებ, მასწავლებლებს, რა თქმა უნდა, მოუხდებოდა ერთიდან მეორეში გადასვლა და იმისთვის, რომ გადავიდნენ, კომპეტენციებს აიმაღლებენ. კარგად ვნახეთ საბჭოთა კავშირის დროსაც, 90-იანი წლების ბოლოსაც (როცა მასწავლებელთა კატეგორიები შემოიღეს) და ახლაც, ამ სქემის პირობებშიც, რომ მასწავლებლებს კატეგორიიდან კატეგორიაში გადასვლა იმის გარეშე შეუძლიათ, რომ რაღაც თვისობრივად შეცვალონ. მასწავლებლებს არ სჭირდება პროფესიული ზრდა იმისთვის, რომ სქემის მოთხოვნები დააკმაყოფილოს, მას უბრალოდ, შეუძლია, სხვა მასწავლებლისგან გადაინეროს რაღაც დოკუმენტაცია და წარადგინოს სამინისტროში, სამინისტროს კი არასოდეს ექნება იმის შესაძლებლობა, დაადგინოს ეს მართლა მისი დაწერილია თუ სხვისი. ამის მაგალითები სქემის ამუშავების პირველივე ეტაპზე ვნახეთ, როცა გაჩნდა კომერციული სერვისები, რომლებიც, მაგალითად, მასწავლებლებს სთავაზობდნენ რეფლექსიების დაწესებას 20 ლარად. ბუნებრივი რეაქციაა, თუ იცის მასწავლებელმა, რომ ამაში 70 ლარს მოუმატებენ, მაშინ მზადაა, დრო არ დახარჯოს ბიუროკრატიული ბარიერის დაძლევაში და 20 ლარი გადაიხადოს, სამაგიეროდ, ეს დრო თუნდაც საოჯახო საქმეებს დაუთმოს. მე რომ მქონდეს არჩევანი, დავწერო თვითშეფასების კითხვარი თუ დავწვებარო გაჭირვებულ ბავშვებს სწავლაში, რა თქმა უნდა, გაჭირვებული ბავშვის დახმარებას ავირჩევდი, რადგანაც მორალურად ეს უფრო მაღალი ღირებულების მომტანია ყველასთვის – ჩემთვისაც და საზოგადოებისთვისაც. თუ შემეძლება, რომ 20-ლარიანი კონსულტანტი ვიქნას, რომელიც ჩემ მაგიერად დაწერს, რა თქმა უნდა, ვიქირავებ. ეს ყველასთვის კარგი იქნება, ბავშვისთვისაც, რომელსაც მეტ დროს დავახარჯავ და კონსულტანტისთვისაც, რომელიც ამაში თანხას მიიღებს, ამასობაში სახელმწიფო დაიჯერებს, რომ მე განვითარება დავიწყე, მეც დროს არ დავკარგავ უაზრო საქმეებში. მოკლედ, ყველა ბედნიერია, ვილაპარაკე გეგმა შეასრულა, ვილაპარაკე ხელფასი მოემატა – რა არის ამაში ცუდი? აი, ასეთ ლოკიაზეა სქემა აგებული.

საერთოდ ცენტრალიზებული სისტემა, რომელიც მასწავლებლის განვითარების სისტემას აწესრიგებს, აბსურდულია. მაშინ, უმჯობესია, მასწავლებლებს თავად სახელმწიფო ქირაობდეს, რადგანაც ის ექცევა როგორც დამქირავებელი და ეუბნება, მომიტანე რაღაც დადასტურება, რომ შენ გაიზარდე, დამიდასტურე, რომ სკოლისთვის რაღაც გააკეთე და ხელფასს მოგიმატებ. სინამდვილეში კი, მასწავლებლის დამქირავებელიც და შეფასებელიც სკოლაა. თუ სკოლას არ ექნება შესაძლებლობა, თავად გადაწყვიტოს, რომელ მასწავლებლებს იქირავებს, რომელს მისცემს ბონუსს ან პრემიას, რომელს დანიშნავს უფრო მაღალ თანამდებობაზე, ყოველთვის იქნება აცდენა სკოლის, სახელმწიფოსა და ინფორმაციული ინტერესების შორის. თქვენ წარმოიდგინეთ მიობლის პოზიცია, როცა სკოლა ეუბნება, ჩვენ ძალიან მაგარი მასწავლებლები გყავს. საიდან იცით ეს? მათ დაადასტურეს თავიანთი შესაძლებლობები რომელიმე ბიუროკრატთან. არადა, კონკრეტულ მშობელს ყოველდღიური შეხება აქვს ამ მასწავლებელთან და მაიცდამინც არ მოსწონს, მისი შვილიც უყვება, როგორ იქცევა ის გაკვეთილებზე, ხელფასს იმსაც, რომ შვილის ნამუშევრების გასწორებაზეც თავს არ იკლავს. რატომ? იმიტომ, რომ სხვა ბევრი საქმე აქვს გასაკეთებელი, საბუთები აქვს შესავსები, გასაგზავნი და ა.შ.

ცალკე საკითხია ისიც, რაში ვიყენებთ საუკეთესო მასწავლებლებს. მაგალითად, არჩევანი თუ ექნებოდა მასწავლებელს, სხვა მასწავლებლების შეფასებაში დახარჯოს დრო თუ მოსწავლეებთან, რა თქმა უნდა, უკეთესი იქნებოდა მოსწავლეები აერჩია და მათთვის დაეთმო მეტი დრო. დღევანდელი სისტემა კი მას პირიქით უბიძგებს, აღმინისტრაციული საქმეებით დაკავდეს და არა რეალურად იმ საქმით, რაც მოსწავლის განვითარებას სჭირდება (რატომ არის ეს სისტემისთვის კარგი, არავინ იცის). და თუ კარგი მასწავლებელი არ დათანხმდება აღმინისტრაციული საქმის კეთებას, მაგალითად, შეფასების ჯგუფის ხელმძღვანელობას და ა.შ., გამოვა, რომ დაბალი კომპეტენციების მქონე შეფასებლის მაღალი კომპეტენციების მქონეს, რაც ასევე უაზრობაა სისტემისთვის.

თავიდან ბოლომდე გაუგებარია, როგორ მიადნეს სქემა მასში გაცხადებულ მიზნებს, სამაგიეროდ, ცხადია, იმ მიზნების მიღწევის შესახებ, რაც არ არის გაცხადებული, მაგალითად, მაქსიმალურად შეზღუდოს მასწავლებლების ხელფასების ზრდა, თან ისე, რომ მათ ნაკლები პრეტენზია ექნეთ იმიტომ, რომ ამ სქემის ფარგლებში შეუძლიათ თამამად უთხრან მასწავლებელს, ხელფასი არ მოგემატება იმიტომ, რომ შენ ვერ მიღწევი იმას, რისთვისაც უნდა მიგელნი – ვერ დააკმაყოფილე ტესტის მოთხოვნები, არ იარე ტრენინგზე ან სხვ. პასუხისმგებლობის გადაბარება მასწავლებელზე ხდება, რასაც მარქსისტულ თეორიაში ყალბი ცნობიერების შექმნა ჰქვია – დაავჯრო ადამიანები, რომ მათი პრობლემები მათივე ბრალია.

სკოლის გამოწვევა

ისეთი შთაბეჭდილება მრჩება, რომ არა მხოლოდ სქემა, არამედ უამრავი ინსტრუმენტი რომ გაუქმდეს, მაგალითად, გამოსაშვები გამოცდები, მისაღები გამოცდები, სასწავლო გეგმების დეპარტამენტი, ზუსტად ისევე გაგრძელდება სკოლის ცხოვრება, როგორც დღეს მიდის, უბრალოდ, ნაკლები ბიუროკრატიული პრობლემები ექნებათ მასწავლებლებს და სკოლის ადმინისტრაციას.

**თამარ მოსიაშვილი:** სქემა, რომელიც რამდენიმე წლის წინ ამოქმედდა, გულისხმობს როგორც მასწავლებლის პროფესიულ განვითარებას, ისე მასწავლებლობის მსურველთა პროფესიაში შესვლასაც. სქემის ყველაზე დიდ და სერიოზულ ხარვეზად სწორედ ის პუნქტი მიმაჩნია, რომელმაც სერტიფიცირებული მასწავლებლების სკოლაში შესვლის პროცესი 2015 წელს სამი წლით გადაავადა. ეს დიდი შეცდომა იყო, რომლის შედეგად მივიღეთ ის, რომ რამდენიმე ათას მოქალაქეს, რომელსაც ჩაბარებული ჰქონდა სასერტიფიკაციო გამოცდა, პროფესიაში შესვლის უფლება, გარკვეული დროის განმავლობაში, ჩამოერთვა. როცა ვამბობთ, რომ სისტემა ახალი კადრების მისაღებად მზად არ არის, რომ არ გვყავს შესაბამისი რაოდენობის კვალიფიციური მასწავლებელი, აუცილებლად უნდა გავითვალისწინოთ ის ფაქტორიც, რომ, ათათასობით კვალიფიციური მასწავლებელი არასოდეს გვეყოლება. ეს პროცესი ეტაპობრივად უნდა განხორციელდეს. პროფესიას ახალგაზრდა ადამიანები აკლია.

რაც შეეხება ზოგადად სქემას, ზედმეტად ფორმალიზებულია, სასურველია მისი გამარტივება. მნიშვნელოვანია ისიც, რომ პროფესიულმა განვითარებამ სკოლაში კულტურული გარემო რომ შეცვალოს, მხოლოდ ტრენინგებზე დასწრება არაფერს ნიშნავს. თავისთავად, ტრენინგი ცოდნის მიღებას ხელს უწყობს, მეტიც, ახალი ცოდნის შექმნა მასწავლებლის პროფესიის აუცილებელი და მნიშვნელოვანი ნაწილია, მაგრამ მას აუცილებლად უნდა მოჰყვეს გარკვეული აქტივობები, რომლებიც მასწავლებელმა უნდა განახორციელოს – რაღაც ახალი და საინტერესო შექმნას, ჩვენ კი, საზოგადოებამ, უნდა ვალიაროთ მისი შრომა.

სქემის გამარტივების აუცილებლობაზე თვითონ მასწავლებლებიც ხშირად საუბრობენ. ჩივიან, რომ სქემით გათვალისწინებული საქმიანობის ანგარიშების წერა ძალიან დიდ დროს ართმევთ და რომ ეს ზედმეტად ფორმალური და შრომატევადი საქმეა. მათი აზრით, ფუჭ შრომას უფრო მეტი დრო მიაქვს, ვიდრე სასწავლო პროცესისთვის განკუთვნილ სასარგებლო საქმეს. აქაც ბალანსის დაცვაა საჭირო – მასწავლებელი, რომელიც სასწავლო პროცესში გარკვეულ ნოვაციას დაწერავს, თუ ამის დოკუმენტირება არ მოახდინა, ვერ შეძლებს საზოგადოებას ვაგებინოს ამის შესახებ ან კოლეგებს გაუზიაროს გამოცდილება. ვასაგებია, ეს უნდა აკეთოს კიდევც, მაგრამ მუდმივად ყველაფრის დოკუმენტად ასახვა თუ აუცილებელ მოთხოვნად იქცა, მასწავლებელს ეს მართლაც ძალიან გააღაღის და ამ პროცესს მისთვის უინტერესოს გახდის.

ცხადია, სკოლას მეტი თავისუფლება სჭირდება იმისთვის, რომ თავად დაგეგმოს საკუთარი საქმიანობა. სკოლა და მასწავლებელი ცენტრალიზებულად მიღებული დირექტივების შემსრულებელი არ უნდა იყოს. სკოლებში იმდენი საკითხია გადასაწყვეტი, რომ შეუძლებელია ყველაზე ყველაფერი ერთნაირად გადაწყდეს. სკოლას არ უნდა ემინოდეს პრობლემების იდენტიფიცირების და მისი გადაჭრის გზების ძიების, არ უნდა უფრთხოდეს დახმარების თხოვნას – ეს ძალიან მნიშვნელოვანია. მეორე მხრივ, ეს სულაც არ გამოირიცხავს იმას, რომ სკოლა სახელმწიფოსა და საზოგადოების წინაშე ანგარიშვალდებულია, სკოლისგან აუცილებლად უნდა მივიღოთ ინფორმაცია, რა მიღწევები ან რა პრობლემები აქვს, მაგრამ ანგარიშვალდებული და რეგულაციები ზედმეტად შემზღვეველი არ უნდა იყოს. ახლა იმ ზღურბლთან ვდგავართ, როცა ბევრი უნდა ვიფიქროთ სკოლების გათავისუფლების საკითხზე, იმაზეც უნდა დავფიქრდეთ, რომ საქართველოში ყველა სკოლა ერთნაირი არ არის, ნაწილს აქვს უნარი დამოუკიდებლად, ზედმეტი დირექტივების გარეშე ბევრი სასარგებლო საქმე აკეთოს.

ეს შეიძლება სქემას არ ეხება, მაგრამ მნიშვნელოვანი საკითხი მგონია. საჯარო სკოლებს მამაკაცი მასწავლებლები აკლია. ჩვენი ბავშვები, ძირითადად, ქალი მასწავლებლების აღზრდილები არიან და ვფიქრობ, გენდერული ფაქტორი აღზრდის პროცესზე გარკვეულ გავლენას ახდენს.

ესაუბრა ლალი ჯეღაძე

კონფერენსია

72-ე საჯარო სკოლა – სკოლის ლაბორატორია

„თქვენი სკოლა ცოდნის ლაბორატორია ყოფილა!“ – ასე შეაფასა სსიპ მასწავლებლის პროფესიული განვითარების ეროვნული ცენტრის ექსპერტმა, **ნინო ბესელიამ** ქალაქ თბილისის №72 საჯარო სკოლის დირექციისა და პედაგოგიური კოლექტივის ერთიანი ძალისხმევით, მასწავლებლის სახლში, 11 მაისს ჩატარებული კონფერენცია. კონფერენციის მიზანი იყო პედაგოგიური გამოცდილების გაზიარება, სწავლების სხვადასხვა საფეხურზე ციფრული რესურსებისა და მედია-ნივთების გამოყენების კუთხით.

სკოლის დირექტორის, **მანანა კიკაჩიშვილის** ორგანიზებით, დირექტორის მოადგილეების: **ნანა აბრამიშვილისა** და **კარინე მანკულოვას** უდიდესი მონაწილეობითა და პედაგოგიური კოლექტივის დიდი ენთუზიაზმით, მოხერხდა ამ ნაშრომის განხორციელება.

შიდასასკოლო კონფერენციებს, უკვე ორი წელია, ატარებს დაწყებითი სწავლების კათედრა, პროექტის ავტორის, უფროსი მასწავლებლის, ფასილიტატორის, მასწავლებელთა ეროვნული კონფერენციების მონაწილის, **ნატო ხაჭაპურიძის** ხელმძღვანელობით. ამ ეტაპზე, კონფერენციაში მონაწილეობის სურვილი გამოთქვეს სხვადასხვა საგნის პედაგოგებმაც. სკოლის დირექტორის ინიციატივით, დაიგეგმა კონფერენცია სსიპ მასწავლებლის პროფესიული განვითარების ეროვნულ ცენტრში. მომზადდა ანოტაციები, პრეზენტაციები, სკოლის ცხოვრების ამსახველი ბუკლეტი, კონფერენციის პროგრამა; მიენოდა ინფორმაცია რესურსცენტრს და საჯარო სკოლებს.

კონფერენციას ესწრებოდნენ მოწვეული სტუმრები: სსიპ მასწავლებლის პროფესიული განვითარების ეროვნული ცენტრის ექსპერტები – **ნინო ლაპარტყავა**, **ნინო ფეტვიანიშვილი**, **ლევან ახვლედიანი**, **რუსუდან თედორაძე**, **ნათია არაბული**, **ზაქრო გიუნაშვილი**; საქართველოს განათლებისა და მეცნიერების სამინისტროს ინკლუზიური განათლების სამმართველოს მულტიმედია-სექტორის გუნდის წევრი **თამუნა კბილცეცხლაშვილი**; 65-ე, 144-ე, 182-ე და მე-9 სკოლების დირექტორები; პედაგოგები 96-ე, 180-ე, 144-ე, მე-9, 74-ე, 182-ე, 70-ე, 82-ე, 156-ე, 218-ე, 153-ე და 59-ე სკოლებიდან.

ასეთი აუდიტორია მეტ პასუხისმგებლობას აკისრებს ადამიანს, თუმცა პრეზენტაციებმა წარმატებით გაართვეს თავი ამ გამოწვევას. დამსწრე აუდიტორიამ მოისმინა საინტერესო მოხსენებები სხვადასხვა თემაზე.

კონფერენცია გახსნა და სტუმრებს მისასალმებელი სიტყვით მიმართა ქალბატონმა მანანა კიკაჩიშვილმა. წარმოდგენილი იყო თორმეტი მოხსენება:

- ❖ გამჭოლი კომპეტენცია – მედიანივნიერება და მისი გამოყენება სასწავლო პროცესში – **ნატო ხაჭაპურიძე**, დანყებითი კლასის პედაგოგი, უფროსი მასწავლებელი, ფასილიტატორი;
- ❖ სასწავლო პროექტი – „ჩვენ ანიმატორები“ – **ქეთევან ქა-**



**თამაძე**, ქართული ენისა და ლიტერატურის პედაგოგი, უფროსი მასწავლებელი, ფასილიტატორი;

- ❖ სასწავლო პროექტი: მათემატიკა და მომიჯნავე დისციპლინები – **ანა ფურცელაძე**, მათემატიკის პედაგოგი, ფიზიკა-მათემატიკურ მეცნიერებათა დოქტორი, უფროსი მასწავლებელი;
- ❖ აუტისტიური სპექტრის დარღვევის მქონე მოსწავლის კლასში ინტეგრაცია – **მარინე აფციაური**, დანყებითი კლასის პედაგოგი, უფროსი მასწავლებელი;
- ❖ ჟან პიუჟეს „ოპერაციამდელ სტადიაზე მყოფი ბავშვი“ და ანიმაციური ამოცანები – **ნათუნა ნოზაძე**, დანყებითი კლასის პედაგოგი, უფროსი მასწავლებელი;
- ❖ პროგრამა GeoGebra-ს გამოყენება მათემატიკის გაკვეთილებზე – **ნაირა ვართანოვა**, მათემატიკის პედაგოგი, უფროსი მასწავლებელი;
- ❖ პროექტი – საქართველოს კუთხეები – **ლელა ჯავახიშვილი**, დანყებითი კლასის პედაგოგი;
- ❖ „სუნთქვით მიღებული ენერჯია“ ინტეგრირებული გაკვეთილი (ქიმიკა, ბიოლოგია, ფიზიკა) – **ირმა კაკუშაძე**, ქიმიის პედაგოგი, უფროსი მასწავლებელი, ფასილიტატორი;
- ❖ პროექტი – „ბრწყინვალე შვიდიანი“ – **ალბინა მანუკიანი**, დანყებითი კლასის პედაგოგი;
- ❖ პროექტი – „საქართველოს მოსაზრებე ქვეყნები“ – **მზია პაპაშვილი**, დანყებითი კლასის პედაგოგი;

❖ ინფორმაციულ-საკომუნიკაციო ტექნოლოგიების ინტეგრირება საგაკვეთილო პროცესში (გამჭოლი კომპეტენცია – ისტის ნივნიერება) – **ლელი ჯანთიელი**, დანყებითი კლასის პედაგოგი, უფროსი მასწავლებელი, დანყებითი კლასების (ქართული სექტორი) კათედრის ხელმძღვანელი;

❖ ელექტრონული რესურსის გამოყენება გეოგრაფიის გაკვეთილებზე – **ფიქრია ოტიაშვილი**, გეოგრაფიის პედაგოგი, უფროსი მასწავლებელი.

სკოლის ინიციატივა შეფასდა, როგორც საინტერესო ნაშრომები და სხვა სკოლებმაც გამოთქვეს სურვილი, სამომავლოდ ჩაატარონ მსგავსი კონფერენციები. დირექციამ დიდი მადლობა გადაუხადა მასწავლებლის სახლს, მის ხელმძღვანელობას, ბატონ **გიორგი მარაბულს**, ქალბატონ **ეკა მამაცაშვილს** მხარდაჭერისა და ხელშეწყობისათვის.

დასკვნის სახით შეიძლება ითქვას, რომ სოციალური უნარ-ჩვევების გამომუშავება, თანაგანცდისა და ემპათიის უნარების გაღრმავება, ტოლერანტობისა და ნივნიერების დონის ამაღლება, ციფრული რესურსების სწორად და სწრაფად გამოყენება – ეს სწორედ იმ უნარების ჩამონათვალია, რომელთა განვითარება ამ კონფერენციით იყო გათვალისწინებული და რომლებიც აყალიბებს თანამედროვე მოზარდს ლირსულ ადამიანად და 21-ე საუკუნის მოქალაქედ.

**ქეთევან ქატიამაძე**  
სსიპ ქალაქ თბილისის №72 საჯარო სკოლის  
ქართული ენისა და ლიტერატურის  
პედაგოგი



ადრეული განათლება

# ფანჯარა მეტი შესაძლებლობისკენ

რა პრობლემებისა და გამოწვევების წინაშე დგას საქართველოში ადრეული და სკოლამდელი განათლება, რატომ არის ადრეული განათლებაში ჩადებული ინვესტიცია ძვირფასი ინვესტიცია მნიშვნელოვანი, როგორ განვსაზღვროთ ის ხარისხიანი და ხელმისაწვდომი - ამ საკითხებს მიეძღვნა გაეროს პაპის ფონდის, მსოფლიო ბანკისა და საერთაშორისო სკოლის (ISET) ორგანიზებით გამართული ფორუმი. სკოლამდელი განათლების ფორუმი პირველია განათლების თემაზე დაგეგმილი სადისკუსიო ფორუმების სერიის, რომელთა მიზანია, გიჟი მისცენ დეპუტატებსა და პრეზიდენტებს ანალიზს განათლების სფეროში მთავრობის პრიორიტეტებისა და ინვესტიციების შესახებ. აქონომიის საერთაშორისო სკოლის პრეზიდენტი ირინა ლივინა, განათლების პოლიტიკის ფორუმის გახსნას განაცხადა, რომ დისკუსია განათლების ყველაზე ადრეული ფაზით დაიწყეს და უწყვეტ, მუდმივ განათლებამდე გააგრძელდეს. „ზვიად მისვათაძე კითხვას - რა არის საქართველოს აქონომიის განვითარების დამატებითი პირითავე ფაქტორი (საზოგადოებრივი ფინანსურ ხელმისაწვდომობაზე, ინფრასტრუქტურაზე და სხვა საკითხებზე) და მი ყოველთვის ერთი და იმავე ვასუხობ - მთავარი დაბრკოლება იმ ადამიანების ნაქონომობაა, რომლებსაც აქვთ სათანადო უნარები, დისციპლინა და სურვილი, იმუშაონ და საკუთარი ფული შეიტანონ აქონომიის განვითარებაში. თუ ამ დაბრკოლებას არ დავკლავთ, ნებისმიერი სხვა ძალისხმევა უსარგებლო იქნება.“

პირველი სადისკუსიო თემა, დარბის სპეციალისტებისა და ამ საკითხით დაინტერესებული ადამიანებისთვის კლინა სინტარას კვლევებით და პრეზენტაციებით დაიწყო, განსაკუთრებული ყურადღება მიიქცია აქონომიის საერთაშორისო სკოლის კვლევებზე, რომელიც ფლორიან პირამანა წარმოადგინა და რომელიც აქონომიის საერთაშორისო სკოლის კვლევების პირველი ნაბიჯი იყო. კვლევის დეტალურ განხილვამდე, იმ მნიშვნელოვან მნიშვნელობასა და გეგმებს შემოგთავაზებთ, რომელიც ფორუმზე დარბის სპეციალისტების მიერ დასახელდა.

## ლალი ჯილაძე

გაეროს ბავშვთა ფონდის წარმომადგენელი საქართველოში ლალია ომარ გადი ფორუმს საუკეთესო შესაძლებლობას უწოდებს და თანამშრომლობისთვის იწვევს განათლების პოლიტიკის განმსაზღვრელ ადამიანებს, დარბის სპეციალისტებს და მათ, ვისაც ხელეწიფებათ, შეცვალონ საქართველოში სკოლამდელი განათლების სისტემა და გაზარდონ განათლების ხარისხი, ხელმისაწვდომობა, რადგან ადრეული განათლება ერთ-ერთი უნივერსალური ინვესტიციაა იმ თვალსაზრისითაც, რომ სხვა ამოცანების მიღწევა სწორედ მასზეა დამოკიდებული: „ფორუმი სკოლამდელი განათლების შესახებ საუკეთესო შესაძლებლობა იმისთვის, რომ შევიკრიბოთ და გავაცნობიეროთ, ადრეულ ასაკში ჩადებული ინვესტიცია რა შედეგს მოუტანს საქართველოს. ადრეული ასაკი, ფაქტობრივად, ფანჯარაა შესაძლებლობის გასახსნელად. თითოეული დოლარიც კი, რომელიც ჩადებული იქნება ადრეული წლების განათლებაში, დაზოგავს შედ დოლარს, რომელიც მომდევნო წლებში დაიხარჯება. ძალიან მნიშვნელოვანია ადრეული განათლების ინვესტიცია იმ ბავშვებისთვისაც მოხდეს, რომლებიც მონაცემად ჯგუფებს განეკუთვნებიან და გარიყულები არიან. ამით მათ მეტი შესაძლებლობები გაეხსნება.“

საქართველოს მთავრობამ, 2015 წელს, მიიღო კანონი ადრეული განათლების შესახებ - ეს არის პირველი ნაბიჯი, რომელიც ამ მიმართულებით გადაიდგა, თუმცა იმისთვის, რომ კანონის განხორციელების სტადია რეალურად იქცეს, ბევრი რამაა გასაკეთებელი. „ამ ღონისძიებების სერიების მიზანია ეს არის - ვითანამშრომლოთ და ვიმუშაოთ განათლების პოლიტიკის განმსაზღვრელ ადამიანებთან, პოლიტიკოსებთან, რომ გავაუმჯობესოთ საქართველოში განათლების სექტორის შედეგები, გავაუმჯობესოთ სტანდარტები, ავამაღლოთ საზოგადოების ცნობიერება, გავხსნათ ის კარიბჭე, რომლის მეშვეობითაც მიდის გზა ეკონომიკის განვითარებისკენ.“ - აღნიშნა ლალია ომარ გადი.

თანამედროვე მეცნიერება მიიჩნევს, რომ ყველაზე სწრაფი განვითარების პერიოდი ადამიანის ცხოვრებაში ადრეული წლებია. განათლების პირველი ათასი დღე ბავშვს განვითარების უნიკალურ შესაძლებლობებს აძლევს. ის პოზიტიური თუ უარყოფითი განცდები, რასაც ამ პერიოდში გაივლის, მთელი ცხოვრების მანძილზე გაჰყვება. „ხარისხიან სკოლამდელ განათლებაში ჩადებული ინვესტიცია ამცირებს მომავალში სოციალური დახმარების გაწევის საჭიროებას, ვინაიდან, კვლევებით დასტურდება, რომ ბავშვები, რომლებსაც ვაგლით აქვთ სკოლამდელი განათლება, ნაკლები ალბათობით შეიძლება გახდნენ კრიზისიანი კონტექსტში შევიდნენ კანონთან. მათ მეტი შესაძლებლობა აქვთ, იმოგონ სამსახური და ექნეთ კარგი ანაზღაურება“ - ამბობს ლალია ომარ გადი და ხარისხიანი განათლების დამატებითი რკოლებელ ფაქტორებს შორის, უმთავრესად ხელმისაწვდომობას ასახელებს, რაც განსაკუთრებით რეგიონებში ფიქსირდება: „სოფლად მცხოვრებ 3-6 წლის ბავშვებს ნაკლები შანსი აქვთ, მიიღონ სკოლამდელი განათლება, ვიდრე ქალაქში მცხოვრებ ბავშვებს. საქართველოში ყოველი ორი ბავშვიდან ერთი არ დადის საბავშვო ბაღში. ამავე დროს, განათლების ხარისხი თვითონ თანამშრომლებზე და მოკიდებულია. სკოლამდელი დაწესებულების მას-

ნაწლებლების კვალიფიკაციის ზრდაზე მუდმივად უნდა იზრუნოს სახელმწიფო“.

არანაკლებ მნიშვნელოვანია პროცესის და შედეგების მონიტორინგი, ასევე, სისტემის მენეჯმენტი - როგორ მუშაობს სისტემა. ლალია ომარ გადი იმ საბჭოთა მემკვიდრეობაზეც საუბრობს, რაც ძალიან ცუდ ზეგავლენას ახდენს ადრეული განათლების განვითარებაზე, თუმცა, პასუხისმგებლობას მხოლოდ სკოლამდელი და ბავშვს არ აკისრებს. ამბობს, რომ ეს თითოეული ჩვენგანის პასუხისმგებლობაა, ოჯახებისა და მზრუნველების ჩათვლით.

მსოფლიო ბანკის რეგიონული დირექტორი სამხრეთ კავკასიაში მერის მიახვ ტემბონი მიჩნევს, რომ ადრეული განათლებაში ინვესტიციის ჩადება ქვეყნის სიღარიბიდან გამოყვანის უმოკლესი გზაა: „ეს არის ტრანსფორმაციის შედეგია. ჩვენ, მსოფლიო ბანკში, გვჯერა, რომ თუ დღეს ამას არ ვავაკეთებთ, მარცხისთვის ვართ განწინდებული, რადგან ქვეყანაში, ადამიანური რესურსის განვითარებისთვის, გზა სწორედ ხარისხიან სკოლამდელ განათლებაზე გადის.“

მეცნიერებმა დაამტკიცეს, თუ ბავშვი ადრეულ ასაკში იღებს კარგ განათლებას, ის უკვე მზადაა ცხოვრებისთვის, რადგან მზადაა სკოლისთვის. იმის გარდა, რომ სკოლამდელი განათლება ბავშვს სკოლისთვის ამზადებს, უპირველეს ყოვლისა, მშობლებისგან დამოუკიდებლად ცხოვრებასაც აჩვენებს, აწვავს მათგან მოწყობას, რადგან მსოფლიო ხომ მხოლოდ ოჯახის წევრებისგან არ შედგება, აუცილებელია კონსტრუქციული ურთიერთობების დამყარება, დამეგობრება. სკოლამდელი განათლება კი მათ ამ არჩევანის საშუალებასაც აძლევს. შეიძლება ითქვას, რომ ეს ცხოვრების უკეთესი დასაწყისია.“

მოსახლეობის კეთილდღეობის კვლევამ აჩვენა, რომ 2015 წელს, საქართველოში, 3-5 წლის ბავშვების 62.3% დადიოდა საბავშვო ბაღში. ეს მონაცემი არადაამაკმაყოფილებელია, ეკონომიკური თანამშრომლობისა და განვითარების ორგანიზაციის ქვეყნებისთვის ამ ასაკის ბავშვთა საბავშვო ბაღში დასწრების საშუალო მაჩვენებლებზე 80.6%, ხოლო ევროკავშირის 27 ქვეყანაში კიდევ უფრო მაღალი - 82.6%. თუმცა, კიდევ მეტად შემაშფოთებელია სკოლამდელი განათლების არსებობის ხელმისაწვდომობა. მიდიარა ოჯახების ბავშვთა თითქმის 70% დადიოდა საბავშვო ბაღში, ხოლო ლარები ოჯახებისთვის ეს მაჩვენებელი 51.8% იყო. ზოგადად, საბავშვო ბაღში დასწრების მაჩვენებელი უფრო მაღალია ქალაქში, ვიდრე სოფლად (67.6% და 55.1%).

პრობლემად რჩება საქართველოს სკოლამდელი განათლების სისტემის ხარისხიც. საქართველოს ეროვნული სასწავლო გეგმებისა და შეფასების ცენტრის მიერ, 2011 წელს ჩატარებული, სკოლისათვის მზაობის კვლევის თანახმად, სკოლამდელი საგანმანათლებლო დაწესებულებების კურსდამთავრებული ბავშვების მხოლოდ ერთი მესამედი აკმაყოფილებს დადგენილ შედეგებით სტანდარტებს.

2015 წელს მიღებული, „კანონი ადრეული განათლების შესახებ“ ფასდება, როგორც წინადადებული ნაბიჯი, თუმცა, მხოლოდ კანონის მიღება რომ საკმარისი არ არის, ამაზე კვლევებით გამოვლენილი სტატისტიკაც მეტყველებს და არც დარბის სპეციალისტები და მთავრობის წარმომადგენლები უარყოფენ. საქართველოს პარლამენტის განათლებისა და მეცნიერების კომიტეტის თავმჯდომარე მარიამ ჯაში აცხადებს, რომ პრობლემა მხოლოდ საქართველოს



სახელმწიფოს წინაშე არ დგას, ის დამახასიათებელია დაბალმშენაკლიანი თუ საშუალოშენაკლიანი სახელმწიფოებისთვის: „მართალია, 2015 წელს უკვე მივიღეთ კანონი სკოლამდელი განათლების შესახებ, მაგრამ იმის გამო, რომ სისტემა საკმარისად განვითარებული არ არის, გარკვეული დრო გვჭირდება, იმისთვის, რომ სფეროში შემოვიტანოთ და დავნერგოთ ეროვნული სტანდარტები. ჩვენი მიზანია, სკოლამდელი და ადრეული განათლება ხელმისაწვდომი გავხადოთ 3-დან 6 წლამდე ბავშვების 90 პროცენტისთვის მინც, მხოლოდ 55 პროცენტისთვის ხელმისაწვდომობა, რაც ახლა სოფლებში გვაქვს, მიუღებელია.“

ჩვენ ისეთი კანონი გვაქვს, რომელიც გარანტიას და უფლებას აძლევს ყველა ბავშვს, მიიღოს განათლება. სამწუხაროდ, არ გვაქვს საკმარისი ინფრასტრუქტურა, ადამიანური რესურსი, რომ ქალაქებში დაწერილი გარანტირებული უფლებები რეალურად ვაქციოთ, განსაკუთრებით კი ეს შეზღუდული შესაძლებლობების მქონე ბავშვებს ეხებათ.

მეცნიერულად დამტკიცებულია, რომ ადრეული განათლებაში ინვესტიციების ჩადება ქვეყნის განვითარებისთვის კრიტიკული მნიშვნელობისაა. მოხარული ვარ, რომ ამჟამად განათლების სექტორის განვითარება იმ ოთხი უმთავრესი პრიორიტეტიდან ერთ-ერთია, რომელიც მთავრობამ დასახა. როგორც მსოფლიო ბანკის წარმომადგენლებმა ახსენეს, განათლების სისტემის გლობალური განვითარების ძალიან მნიშვნელოვანი გამოწვევაა ფინანსების შეზღუდულობა, რადგანაც ჩვენ დაბალი ან საშუალო შემოსავლების ქვეყანას ვეკუთვნით. ჯერ არ გვაქვს იმის შესაძლებლობა და გლობალური პარტიციპაცია, რომ კრიტიკულად მნიშვნელოვანი ინვესტიციები ჩავდეთ განათლების სექტორში.“ მისი თქმით, ამჟამად განათლების კომიტეტი, საინისტროტთან ერთად, მუშაობს, ქვეყანაში სკოლამდელი დაწესებულებებისა და ადამიანური რესურსების შესახებ ინფორმაციის შეგროვებაზე, რომელიც განთავსდება ვებგვერდზე. მიღებული ინფორმაციით გაანალიზდება სისტემაში არსებული ხარვეზები.

რატომ უნდა გვადევნებდეს საქართველოს სკოლამდელი განათლების მდგომარეობა? - ამის შესახებ ფორუმზე საერთაშორისო ეკონომიკური სკოლის წარმომადგენელმა ფლორიან პირამანამ კვლევის პერუენტაცია გააკეთა, რომელიც დეტალურად განიხილავს საქართველოში ადრეული განათლების ხარისხსა და ხელმისაწვდომობას. მისმა პრეზენტაციამ განსაკუთრებული ყურადღება ეკონომიკურ ჭრილში დანახული პერსპექტივებით მიიქცია, რომლის საილუსტრაციოდ ცნობილი ეკონომისტისა და ნობელის პრემიის ლაურეატის, ჰეკმანის მიერ განხორციელებული „პერის პროგრამის“ დეტალები წარმოადგინა.

„სამი თვის წინ, ჩემთვის რომ ეკითხათ, რას ვფიქრობ საბავშვო ბაღებზე, ალბათ, გაცემდებოდა, იქიდან გამომდინარე, რომ მე ეკონომისტი ვარ, ეკონომიკურ საკითხებზე ვმუშაობ - ამბობს ფლორიანი, - მაგრამ იმის შემდეგ, რაც მუშაობა დავიწყე აქ წარმოდგენილ იუნისეფის ჯგუფთან, მთა დამარწმუნეს, რომ უნდა მემუშავა ამ მიმართულებით და ჯვაროსნობით დავიწყებ ბრძოლა. გავხდი „ჯვაროსანი“, რომელიც მხარს უჭერს იდეებს, რომელსაც ერთი რეალური გამოცდილების მაგალითზე გავაცნობთ და მიხვდებით, რატომ ვარ ასე ერთგული ნაწილი. საქართველო არ არის ძალიან ცუდ მდგომარეობაში,

კარგი პროგრესია მიღწეული, ძალიან შთაბეჭდილი რამ ხდება სკოლამდელ სექტორში და ეს, მთავრობასთან ერთად, იუნისეფის დახმარებაა. ის დიდი ხნის განმავლობაში ხელს უწყობს სკოლამდელი განათლების განვითარებას. მიუხედავად ამისა, ჯერ კიდევ გრძელი გზა გვაქვს გასავლელი, დეფიციტი კიდევ დიდია საქართველოს სკოლამდელ სექტორში.“

მისი თქმით, საქართველოში ერთ-ერთ მთავარ გამოწვევად რჩება საბავშვო ბაღების მცირე რაოდენობა, მთავარია დაწესებულებები მოსახლეობის შესაბამისობაში იყოს. 2011-12 წლებში მონაცემებით, საქართველოში 1244 ბავშვი ფუნქციონირებს და მათგან თბილისში 157-ია, ხოლო იმერეთში - 237, დასახლებულ ქალაქსა და რაიონს შორის განსხვავებაა მოსახლეობის რაოდენობის მხრივ, ამიტომაც, თბილისში ბაღების რაოდენობა აუცილებლად უნდა გაიზარდოს. პრობლემა ასევე ბაღში დასაქმებული რაოდენობა და მათი კვალიფიკაცია. 1244 ბავშვი დასაქმებულია გარკვეული რაოდენობის სპეციალისტით, რომლებმაც განათლება საბჭოთა სისტემაში მიიღეს და წარმოიდგინეთ, როგორი გასაუფრავო სტატუსია მათი კვალიფიკაცია, ამბობს ფლორიანი ბირმანი. შედარებით ახალგაზრდები კი, ამ სპეციალობით ვეღარ იღებენ განათლებას, რადგან უნივერსიტეტებში ეს ფაკულტეტი აღარ არსებობს. ამიტომაც მთავარ გამოწვევად მიჩნევა ახალგაზრდა კადრების მომზადებასა და შეყვანას ბაღებში.

ფლორიანი ბირმანი ჰეკმანის მიერ განხორციელებულ პროგრამას საკმაოდ ამბიციურს უწოდებს და ამბობს, რომ მან, ნობელის პრემიის მიღების შემდეგ, ძირითადი ფოკუსირება სწორედ სკოლამდელ განათლებაზე დაიწყო, რაც ხაზს უსვამს სკოლამდელი განათლების მნიშვნელობას. „პერის პროგრამა“ 1962-1967 წლებში განხორციელდა და, ძირითადად, მოიცავდა სიღარიბის ზღვარს მიღმა მყოფ აფრიკულ მერიკელ 3-4 წლის ბავშვებს. ექსპერიმენტის ჩატარების შემდეგ საკმაოდ დიდი დრო - 50 წელი გავიდა. აქედან გამომდინარე, საშუალება გვეძლევა, დავაკვირდეთ სკოლამდელი განათლების მნიშვნელობას გრძელვადიან პერსპექტივაშიც. საკმაოდ ამბიციური პროგრამა მიზნად ისახავდა სიღარიბის ზღვარს მიღმა მყოფი აფრიკული 3-4 წლის ბავშვების მაღალი ხარისხის სკოლამდელი განათლებით უზრუნველყოფას. სერტიფიცირებული ბაკალავრის ან მაღალი ხარისხის მქონე საჯარო სკოლის მასწავლებლები ბავშვებს ყოველდღე 2,5-საათიან მეცადინეობებს უტარებდნენ. საშუალოდ, ერთ მასწავლებელზე 6 ბავშვი მოდიოდა და ისინი ჩართულნი იყვნენ აქტივობებში.

კვირამი ერთხელ, მასწავლებლები ოჯახს სტუმრობდნენ და საათნახევრიანი შეხვედრით დედას საგანმანათლებლო პროცესში ჩართვაში ეხმარებოდნენ. პროგრამის მიერ განხორციელებული ექსპერიმენტი ბავშვებზე შეადგინდა, საშუალოდ, 11 300 დოლარს (2007 წლის ნომინირების მიხედვით).

„პერის პროგრამის“ შესწავლამ აჩვენა, რომ დახარჯულ 1 დოლარს მოაქვს 14-პროცენტის უკუგება, რაც ბევრად აღემატება ფასიანი ქალაქების ბაზარზე მიღებულ მოგებას (7,2%). შეფასებებიდან გამომდინარე, სკოლამდელ განათლებაში განხორციელებული ინტერვენცია ბევრად მომგებიანია საზოგადოებისთვის.

ბავშვებს, რომლებიც მონაწილეობდნენ პროექტში და მიიღეს სკოლამდელი განათლება, ფაქტობრივად, ოთხჯერ გაეზარდათ შე-

ადრეული განათლება

საძლეობა, მიეღო უფრო მაღალი შემოსავალი. 30 პროცენტით მეტ ბავშვს აქვს საკუთარი სახლი, მასთან შედარებით, ვინც პროგრამაში არ მონაწილეობდა. ამ ბავშვების 41 პროცენტს არ უნევს სახელმწიფო შემწეობის მიღება. „გარდა ეკონომიკისა, სკოლამდელი განათლება ხელს უწყობს პიროვნების ჩამოყალიბებას და ის განაპოვანებს განათლების უმნიშვნელოვანესი შემადგენელი ნაწილი. სკოლამდელ განათლებას შეიძლება უფრო მეტი მნიშვნელობა ჰქონდეს, ვიდრე ადამიანური კაპიტალის ფორმირება. მისი წყალობით ინდივიდებს მორალური ღირებულებები და სოციალური ფასეულობები უყალიბდებათ.“ – ამბობს ფლორიან ბირმანი.

რა ხდება ამ მხრივ საქართველოში? რამდენად მნიშვნელოვნად არის აღქმული ბავშვების განვითარების პროცესში? ბალის აღმზრდელთაგან შემდგარი ფოკუს-ჯგუფების შეხვედრების შესახებ ISET-ის კვლევებიდან ვიგებთ, რომ მშობლებისთვის ბავშვების ბაღში ტარების მიზეზის არის, რომ მათ სურთ, ჰქონდეთ თავისუფალი დრო ან მუშაობენ და ვერ ახერხებენ ბავშვებზე ზრუნვას. სპეციალური საჭიროების მქონე ბავშვის მშობელი იმიტომ ცდილობს ბავშვი ბაღში ატაროს, რომ მიიღოს ინკლუზიური განათლების სერვისები, ბაღებში არსებული კარგი კვება და სკოლამდელი განათლება. ბალის პერსონალი კი, კვალიფიციურობასა და ანაზღაურებაზე ამხვილებს ყურადღებას.

კვლევაში შესული ეს ციტატა ჯგუფებში ბავშვების გადამეტებულ რაოდენობას ეხება: „ყველაზე დიდი პრობლემა ის არის, რომ ერთ მასწავლებელზე ბავშვების ძალიან დიდი რაოდენობა მოდის, რაც ხელს უშლის ნესრიგს და ქმნის ქაოსს, შეუძლებელია სათანადო ყურადღება მიექციო თითოეულ ბავშვს.“ ზოგიერთ რეგიონში, მაგალითად, ქვემო ქართლში, ერთ მასწავლებელზე 27 ბავშვი მოდიოდა.

მოხსნის თუ არა მეტი დაფინანსება ყველა პრობლემას? – ამის შესახებ ფორუმის მონაწილეები თანხმდებიან, რომ განვითარების შემაფერხებელი ფაქტორი ჯერ კიდევ მწირი დაფინანსებაა, შესაბამისად, შეზღუდული რესურსები კარგად უნდა იქნეს პრიორიტეზირებული და მიმართული, მკაფიოდ უნდა იყოს გარკვეული რისი მიღწევა გვსურს.

ადრეული და სკოლამდელი განათლების შესახებ პოლიტიკის ფორუმზე შემუშავებული რეკომენდაციები საფუძვლად დაედება განათლებისა და მეცნიერების ეროვნული სტრატეგიისა და სამოქმედო გეგმის შემუშავებას და ხელს შეუწყობს სკოლამდელი და ადრეული განათლების შესახებ კანონის განხორციელებას.

„ვეფხისტყაოსანი“ – 850

როგორ არის ასახული „ვეფხისტყაოსანში“ წმინდანების – მაქსიმე აღმსარებლისა და იოანე დამასკელის მოძღვრება

შოთა რუსთაველი და მისი „ვეფხისტყაოსანი“ კოსმიური სამყაროს საოცრებაა. „ვეფხისტყაოსანი“, როგორც ყველა გენიალური ქმნილება, მარადიულია. ბევრი, ძალიან ბევრი დაწერილა და დაინერგა მასზე, მაგრამ არასოდეს გათავდება სათქმელი. ეს ნაშრომი მცირედი ნაწილია „ვეფხისტყაოსნის“ ამოუწურავი საკაცობრიო ცოდნისა. ამ სტატიაში განვიხილავთ ერთ-ერთ საინტერესო და მნიშვნელოვან მოვლენას და, ვფიქრობთ, მისი გაცნობა გაამდიდრებს მოსწავლეთა ცოდნას „ვეფხისტყაოსანს“ და მის ავტორზე, გაუადვილებს ღვთიური სამყაროს შეცნობას და ხელს შეუწყობს მათ ზნეობრივ გაკეთილშობილებას.

როგორც ცნობილია, 1961 წელს, იერუსალიმში წარგზავნილმა ქართულმა დელეგაციამ, რომლის შემადგენლობაში იყვნენ დიდი მეცნიერები: აკად. აკაკი შანიძე, აკად. გიორგი წერეთელი და პოეტი-აკადემიკოსი ირაკლი აბაშიძე, ქართულთა ჯგუფის მონასტრის კედელზე მიაკვლიეს შოთა რუსთაველის უძველეს ფრესკას: „მთელ სვეტზე აღმართული წმინდანების იოანე დამასკელისა და მაქსიმე აღმსარებლის ფერხთა შორის დგას იგი, ხელებაპყრობილი“ – წერს ირაკლი აბაშიძე „პალესტინის დღიურში“.

რატომ მაინცდამაინც ამ წმინდანების ფერხთა შორის დგას შ. რუსთაველი? ამაზე ბევრი დაიწერა, მაგრამ, ვფიქრობთ, ჩვენი მოკრძალებული კვლევა ამ საკითხის ირგვლივ მკერხელობა არ იქნება.

„როგორც ცნობილია – წერს აკად. შალვა ამირანაშვილი – რუსთაველი გამოსახულია ხელაპყრობით მაქსიმე აღმსარებლისა (VIII ს.) და იოანე დამასკელის (VIII ს.) წინაშე, მლოცველის პოზაში დაჩოქილი. თუ გაეთვალისწინებთ ფეოდალური ხანის კედლის მხატვრობის წესს, იგი ერთდროულად ორივე წმინდანს ევედრება და არა ერთ მათგანს, სახელდობრ, იოანე დამასკელს“. გავცანით ორივე დიდი წმინდანის შრომებს და კიდევ ერთხელ შევისწავლეთ „ვეფხისტყაოსანი“. ჩვენ წინაშე გადაიშალა საოცარი სურათი. პოემში ვიხილეთ წმ. მაქსიმე აღმსარებლის მისტიკური სამყაროს შერწყმა წმ. იოანე დამასკელის დოგმატურ მოძღვრებასთან.

მაქსიმე აღმსარებლის ბიოგრაფია გვიამბობს: „პატრიარქმან თქუა: რაი არს სარწმუნოებაი შენი და ვითარ აღიარებ, გუაუნწყე... მაქსიმე გამოსახა სასწაული ჯვარისაი პირისა თვისსა და თქუა: მრწამს ერთი ღმერთი, მამაი უშობელი; და ერთი ძეი და სიტყვაი ღმერთისაი, მამისაგან შობილი და ერთი სული წმინდაი სამებასა თაყვანის-ცხემ ერთარსებით და ერთარსებასა სამებით“ – რუსთაველი: „ჰე, ღმერთო ერთო, შენ შეჰქმენ სახე ყოვლისა ტანისა“. წმ. მაქსიმე აღმსარებელი: „მერე თქუა და იქმნეს ცაი და ქუეყანაი, თვისად“. რუსთაველი: „რომელმან შექმნა სამყარო ძალითა მით ძლიერითა, ჩვენ კაცთა, მოგვცა ქვეყანა, გვაქვს უთვალავი ფერთა“. წმ. მაქსიმე აღმსარებელი: „ერთსა ღმერთსა აღვირებ წმინდასა სამებისასა... დაუსაბამოსა და დაუსრულებელსა, დაუწყებელსა, უხილავსა, გარეშემუნერელსა, მოუგონებელსა, უსაზღვროსა, უცვალებელსა, უეცდავსა, უფნებელსა...“ პოემის გმირი ავთანდილი: „ლოცავს, იტყვის: „მადლო ღმერთო ხმელთა და ცათაო, ზოგჯერ მომცემო პატიუთა, ზოგჯერ კეთილად მზათაო, უცნაურო და უთქმელო, უფალო უფლებათაო, მომეც დათმობა სურვილთა, მფარველო გულისთქმათაო“. ისევ ავთანდილმა თქვა: „ღმერთო, გამდლობ, რომელ ხარ ჭირთა მომალხენელი; ყოფილი, მყოფი, უთქმელი, ყურთაგან მოუსმენელი“. აქ მოხმობილ ციტატებს ბევრი აქვს საერთო.

წმ. მაქსიმე აღმსარებელი ზეციურის დამკვიდრების მისტიკური იდეის აღიარებას ცდილობდა ფსევდოდოქონისე არეოპაგელის წიგნების კომენტარებით. „აქ პირველ რიგში უნდა მივუთითოთ მაქსიმე აღმსარებლის მისტიციზმზე, რომელიც უშუალოდ იყო დაკავშირებული ფსევდოდოქონისესთან“ – ამბობს შალვა ნუცუბიძე. წმ. მაქსიმე აღმსარებლის ბიოგრაფი წერს: „გადმოითარგმნა ყოველივე ძუელისა და ახლისა წერილისა... ყოველი განჰმარტა, აგრეთვე, ღრმანი იგი სიტყვანი დიონისოს არეოპაგელისანი“. თვითონ რუსთაველი ორჯერ იმონებს დიონისე არეოპაგელს: „ამა საქმეს მემონებების დიონოსი ბრძენი, ეზროს ...ამა საქმეს დაფარულსა ბრძენი დიენოს გააცხადებს: ღმერთი კარგსა მოავლინებს და ბოროტსა არ დაბადებს“.

პლატონის, არისტოტელეს, დიონისე არეოპაგელის, შემდგომ ნეოპლატონიკოსებისა და სხვა ღვთისმეტყველთა იდეებზე აღზრდილი წმ. მაქსიმე აღმსარებელი აღიარებდა სიკეთეს ერთადერთ საწყისად და ბოროტებას სიკეთის ნაკლად: „(კაცს) არარა კეთილი არა გვაქვს ისეთი, რომ ღვთისაგან არა ვაკონდეს მიღებული“ – გვიხატავს იგი. „ვეფხისტყაოსანს“ თავიდან ბოლომდის ლიტმობრივად გასდევს სიკეთის მარადიულობა და ბოროტების სიმოკლე:

„ღმერთი კარგსა მოავლინებს და ბოროტსა არ დაბადებს“  
„ბოროტიცა რად შეექმნა კეთილისა შემოქმედსა“  
– ეუბნება თინათინი მამას.  
„ბოროტსა სძლია კეთილმან არსება მისი გრძელია“  
– ამბობს თავად პოეტი.  
„ვცან სიმოკლე ბოროტისა, კეთილია მისი გრძელი“  
– ეს ნესტანის ხილვით გახარებული ფატმანის სიტყვებია.  
„თქვეს: ბოროტსა უმყოფოო, კეთილია შენთვის მზანი!“  
– ამას როსტევეანის ყმები ამბობენ.

„აქ შეჯამებულია რუსთაველის მსოფლმხედველობის ყველა ელემენტი. სამყაროს წყობაში მთავარია სიკეთე, მაგრამ იგი გვეძლევა ბრძოლაში, რომელიც ბოროტების დაშობაში მდგომარეობს. კეთილი და ბოროტი ერთიანი მთლიანი ელემენტებია. ხოლო ვისაც ამ მთლიანობისათვის მიუღწევია საგანთა და მოვლენათა გაგებაში, იგი აღწევს სიკეთესაც, რომლის „არსებაც გრძელია“, მაშინ ყოველივე მთავრდება „ზეციური სასუფეველის დამკვიდრებით“, აქ, აქვეყნად“. ზეცისა და მიწის, როგორც ბედნიერებისა და ტანჯვის, თავისუფლების აუცილებლობის დაპირისპირებას რუსთაველი ამთავრებს „ზეციური სასუფეველის“ დამკვიდრებით ქვეყნად“ – წერს აკად. შალვა ნუცუბიძე. სწორედ ამ მთლიანობას წარმოადგენენ „ვეფხისტყაოსნის“ გმირები და ამიტომაც აღწევენ გამარჯვებას. „ღმერთმან ერთი ვით აცხოვნოს, თუ მეორე არ წარწყმიდოს“ – ამბობს ტარიელი და ღვთიურ ფილოსოფიაში ღრმად განსწავლული პოემის გმირების ყოველი ქმედება განპირობებულია ღვთის რწმენით, რომელიც მომდინარეობს წმ. მაქსიმე აღმსარებლის მართლმადიდებლური მოძღვრებიდან. „ვეფხისტყაოსნის“ გმირები ღმერთს შესთხოვენ, სწამთ მისი: „უღმრთოდ ვერას ვერ მივანვე, ცრემლი ცუდად მედინება“, „ვიმონებ ღმერთსა ცხოველსა...“, „სუგემის, ღმერთი უხვია...“, „რომე ღმერთმან გავგახარანა, კურთხეულ არს მისი ღმერთება“, „ღმერთსა მიჰმადლე, შემინდე, გეცადო რას, ნუთუ ღმერთმან მომარაოს ჩემსა მტერსა“, „ნადი, ღმერთი გინწამდღვრებს“, „ღმერთსა უნდეს“, „ღმერთმა ქნას“, „ღმერთი კარგსა მოავლინებს და ბოროტსა არ დაბადებს“, „ბედი ცდაა, გამარჯვება ღმერთსა უნდეს, მოცაგვხედის“.

დიდი ქართველი რუსთაველოლოგი აკად. ალექსანდრე ბარამიძე წერს, რომ „ვეფხისტყაოსნის“ შემქმნელი „გარკვეულად ქრისტიანული აღმსარებლობის მიმდევარია, თუმცა პირდაპირ არ ახსენებს ქრისტიანულ ძე ღმერთს, ღვთისმშობელს ან წმინდანებს“. ჩვენ კი დავამატებთ: პოეტი ახსენებს ქრისტეს მოციქულს, მონაფეებს: „ნაეკითხავს, სიყვარულსა მოციქულნი რაგვარ წერენ“ – მიმართავს ავთანდილი თავის ანდერძში როსტევეან მეფეს. პოემის შესავალ ნაწილში ქრისტიანული სამების იგავური გამოხატვაა შემდეგი სტრიქონი: „მათ სამთა გმირთა მნათობთა სჭირთ ერთმანეთის მონობა“ ან კიდევ: „სამი არის მოყვრისაგან, მოყვარისა გამოჩენა, მათ სამთა შეიძინ მნათობნი შჳარვენ ნათლისა სვეტიცა“.

ზვიად გამსახურდია თავის გამოკვლევაში „ვეფხისტყაოსნის სახისმეტყველება“ ამბობს: „შუასაუკუნეთა საქართველოში გაბატონებული ქრისტიანული იდეალები „ვეფხისტყაოსანში“ აისახა განუმეორებელი მხატვრული სიდიადით“.

„ვეფხისტყაოსნის“ გმირები მიისწრაფიან ზეციურ იერარქიისაკენ, მისტიკური სამყაროსაკენ, სადაც ყველაფერი მონესრიგებულია. ავთანდილი ასე მიმართავს როსტევეან მეფეს: „არა ვიქმ, ცოდნა რას მარგებას ფილოსოფოსთა ბრძნობისა, მით ვისწავლებით, მოგვეცეს შერთვა ზესთ მწყობრთა წყობისა“. „მარტობა ვერსა მიზამს, მცავს თუ ცისა ძალთა დასი“. ტარიელი ევედრება ზენაარს: „ზენაარ, დამხსენ სიცოცხლე“, „კმა ზენაარი ზენარად, არ ნაქმარია მთერალისა“, „ყოველთა მისცეს ზენარი“...

„რუსთაველი ნათლად ხედავს, რომ ერთიანობა ანუ „შერთვა ზესთ მწყობრთა წყობისა“ არის ყოველივე ის, რაც სრული ბედნიერებისთვისაა საჭირო“ – ამბობს შალვა ნუცუბიძე. ჩვენ მიგვაჩინა „ზესთ მწყობრთა წყობის“ შერთვის მისტიციზმი, ანუ ღმერთადქცევის იდეა ათვისებულია არეოპატიკიკიდან წმ. მაქსიმე აღმსარებლის მიერ, ხოლო რუსთაველმა „ვეფხისტყაოსანში“ გრანდიოზულად წარმოგვიდგინა. რუსთაველი უმღერის კაცთმოყვარეობას, სიუხვებს, სიკეთეს, სიყვარულს, მეგობრობას, პატრიოტიზმს, მშვენიერებას. ეს ყველაფერი ღმერთიდან მომდინარეობს და ისევ ზეცისაკენ მიემართება და მალღდება. პოემის გმირები რამდენადაც ხორციელნი არიან, იმდენად ზეცად ამაღლებულნი, მისტიკურნი.

„რუსთაველის შემოქმედებას სამი ძირითადი მსოფლმხედველობრივი მოტივი უდევს საფუძვლად: ცნება ღმერთისა – თეოლოგია, ცნება მშვენიერებისა – ესთეტიკა, ცნება ზნეობი-

სა – ეთიკა“ – ამბობს ფილოსოფოსი მოსე გოგიბერიძე. ეს სამი ძირითადი მსოფლმხედველობრივი მოტივი მისტიკურ სამოსში წარმოდგენილია წმ. მაქსიმე აღმსარებლის შრომებში: „მერმე კუალად სწავლანი სულიერნი, საღმრთოისა მოქალაქეობისაი და ყოვლისა საღმრთოებისათვის მრავალი აღწერა, და კეთილად განანესა, თუ ვითარ ჯერ-არს მოქალაქეობაი ქრისტიანეთაი, და მრავალნი განმარტებანი წმინდათა წერილთა და სწავლანი მონაზონებისანი აღწერა; და იყო იგი ახალი ოქროპირი, პირველისა მის ოქროპირისა მგზავსი“ – წერს მაქსიმე აღმსარებლის ბიოგრაფი.

ჩვენ გავეცანით, აგრეთვე, თბილისის სასულიერო აკადემიის მიერ, 2000 წელს გამოცემულ „წმ. იოანე დამასკელის „მართლმადიდებლური სარწმუნოების ზედმწეებით გადმოცემას (წყარო ცოდნისაი)“, რომელიც ძველი ბერძნულიდან თარგმნა ფილოლოგის მეცნიერებათა დოქტორმა ვიქტორ ტელიძემ. აქ არ შეუდგებით ამ წიგნის განხილვას, მხოლოდ ვიტყვით, რომ წიგნის მე-20-24-ე თავებში წმინდანი ლაპარაკობს შეიძთა მნათობთა და სამყაროს ოთხი ელემენტის: მიწა, წყალი, ცეცხლი და ჰაერის შესახებ, რომელიც ყოველგვარი იგავური ახსნის გარეშე აქვს მოცემული შოთა რუსთაველს „ვეფხისტყაოსანში“. ნესტან-დარეჯანი ქაჯეთის ციხიდან გამოგზავნილ წერილში წერს ტარიელს:

„ღმერთსა შემევედრე, ნუთუ კვლა დამხსნას სოფლისა შრომასა, ცეცხლსა, წყალსა და მიწასა, ჰაერსა თანა ძრომასა; მომცნეს ფრთენი და აღფერინდე,

მივხვედ მას ჩემსა ნდომასა, დღისით და ღამით ჰხედვიდე მზისა ელვათა კრთომასა.“

ამრიგად, ორი დიდი მართლმადიდებელი წმინდანის, მაქსიმე აღმსარებლისა და იოანე დამასკელის, შრომების გაცნობამ, „ვეფხისტყაოსნის“ ხელახალმა წაკითხვამ, მიგვიყვანა იმ დასკვნამდე, რომ შოთა რუსთაველი კარგად იცნობდა მათ მოძღვრებას, აფასებდა და შემდეგ აყალიბებდა პოემაში.

სიბრძნით, ღვთიური მრწამსით არის გაბრწყინებული რუსთაველის „ვეფხისტყაოსანი“. როგორ, რა გზით შეიძლება ყველაფერი ეს მივიტანოთ მოსწავლეთაგან?

„ვეფხისტყაოსნის“ შესწავლისას თავიდანვე ვაძლევ ბავშვებს დავალებას: ამოინერონ ის ციტატები, რომელშიც ნახსენებია ღმერთი და მასთან დაკავშირებული მოვლენები. ეს არ წარმოადგენს რაიმე სირთულეს, ამ დავალებას იოლად ასრულებენ. დროდადრო ვამონებთ მათ მიერ მოძიებულ მასალას და ვაკეთებთ მცირე დასკვნებს, ხოლო პოემის დამთავრების შემდეგ ვატარებთ შემჯავებელ კაკვეთილებსაც, თუ საჭირო გახდება – შემჯავებელ კაკვეთილებსაც, რომ ამომწურავად განვიხილოთ ყველაფერი. გარდა ამისა, პოემის შესწავლის დროს, გზადაგზა, ვაცნობ წმინდანების – მაქსიმე აღმსარებლისა და იოანე დამასკელის – შრომებს.

ასე რომ, ჩვენს ნაშრომში წარმოდგენილი მასალის რეალიზება პრაქტიკაში ადვილად მისაღწევია და, რაც მთავარია, ჩვენი მიზანი, რომ ტრადიციულ (სიყვარული, მეგობრობა, პატრიოტიზმი და სხვ.) საკითხებთან ერთად, სხვა კუთხითაც დავანახოთ ბავშვებს შოთა რუსთაველი და მისი პოემა, შესრულდება.

შორენა მამუკაშვილი მარტყოფის №2 საჯარო სკოლის ქართული ენისა და ლიტერატურის მასწავლებელი

- გამოყენებული ლიტერატურა:
1. შოთა რუსთაველი, „ვეფხისტყაოსანი“, თბ. 1986 წ. ნ. ნათაძის რედაქციით;
  2. ირაკლი აბაშიძე, „პალესტინის დღიური“, თბ. 1961 წ.;
  3. წმ. მაქსიმე აღმსარებელი, „სწავლანი სულიერნი“, თბ. 2006 წ. გვ. 35, 47, 58, 75, 79;
  4. ლიონი მაქსიმე აღმსარებლის წიგნიდან გამოკრებილი სიტყვები, თბ. 2002 წ.;
  5. იოანე დამასკელი, „მართლმადიდებლური სარწმუნოების ზედმწეებით გადმოცემა“, თბ. 2000 წ.;
  6. დიდი სჯულის კანონი, თბ. 1975 წ.;
  7. შალვა ნუცუბიძე, შრომები, IV თბ. 1976 წ. გვ. 339;
  8. მოსე გოგიბერიძე, „რუსთაველი, პეტრინი, პრელუდიები“, თბ. 1961 წ. გვ. 61;
  9. შალვა ამირანაშვილი, „შ. რუსთაველი“, საიუბილეო კრებული, თბ. 1966 წ. გვ. 159
  10. კორნელი კეკელიძე, ალექსანდრე ბარამიძე, „ძველი ქართული ლიტერატურის ისტორია“;
  11. ზვიად გამსახურდია, „ვეფხისტყაოსნის სახისმეტყველება“, თბ. 1992 წ. გვ. 7.

# საკუთარ თავს ოცნებები შენ თვითონ უნდა აუხდინო

რუბრიკის სტუმარია მარია ინგოროვა, იენის უნივერსიტეტის სტუდენტი

– მაია, როგორ გახსენდება მოსწავლეობის პერიოდი, შენი მასწავლებლები... განსაზღვრა თუ არა სკოლამ შენი პროფესიული მომავალი?

– დანახვებით განათლება ოზურგეთის რაიონში, სოფელ მაკვანეთში, ჩემი სოფლის სკოლაში მივიღე. მე-6 კლასიდან სწავლა თბილისში განვაგრძე, რადგან ოჯახი სოფლიდან ქალაქში გადმოვიდა საცხოვრებლად. თბილისში, ჩვეულებრივ საჯარო სკოლაში ვსწავლობდი. გულწრფელად რომ ვთქვა, სკოლაში სანიმუშო მოსწავლე არ ვყოფილვარ. ძირითადად, იმ საგნებს ვსწავლობდი, რომელიც მაინტერესებდა. მაშინაც ვფიქრობდი და დღესაც ვფიქრობ, რომ საგნებისადმი ინტერესის გალვივებაში მნიშვნელოვანი როლი მასწავლებელს აკისრია. მასწავლებელმა უნდა შეძლოს მოსწავლეს საფიქრალი აღუძრას და დაეხმაროს მისთვის ჯერ კიდევ უცნობი სამყაროს უკეთ გააცნობაში. ასევე გულწრფელად რომ ვთქვა, სკოლის არ რომელიმე მასწავლებლის გავლენით არ ამირჩევია ჩემი მომავალი პროფესია. ჩემს არჩევანზე განსაკუთრებული გავლენა მოახდინა ფონდმა „თბილისის მოზარდთა სახლი“ და პედაგოგმა თათა სახელაშვილმა. ეს იყო ადგილი, სადაც ჩემთვის ძალიან საინტერესო და მნიშვნელოვანი პერიოდი გავატარე და ვაკეთებდი იმას, რაც მაინტერესებდა. იქ დავინტერესდები უნაღესიტიკითაც. დღემდე ვთვლი, რომ ერთ-ერთი ყველაზე საინტერესო და საპასუხისმგებლო პროფესიაა და თუ ოდესმე საშუალება მომეცემა, აუცილებლად ვიმუშავებ ამ სფეროში.

– სკოლის დამთავრების შემდეგ სწავლას ივანე ჯავახიშვილის სახელობის თბილისის სახელმწიფო უნივერსიტეტში აგრძელებ, შემდეგ ილიას უნივერსიტეტში. რა შეგიძლია გვიამბო ქართული უმაღლესი განათლების შესახებ, რა პროფესიას დაეუფლე და რამ განაპირობა პროფესიის არჩევანი?

– სკოლის შემდეგ სწავლა გავაგრძელე ილიას უნივერსიტეტში, უფრო სწორად ეს იყო სასწავლო სატელევიზიო ცენტრი, რომელიც ილიას უნივერსიტეტს შეუერთდა და დღემდე არსებობს, ხელმძღვანელობს ძალიან კარგი ადამიანი – ზურაბ ომხნელი. მიხარია, რომ იქ მოვხვდი. ჩვენ გვექონდა საშუალება ფუნდამენტურად არა მარტო თეორიულად გვესწავლა, არამედ პრაქტიკაში გამოგვეყენებინა, რისი საშუალებაც, სამსახაროდ, ხშირად სტუდენტებს არ აქვთ. გარდა ამისა, ეს იყო პროფესია, რომელიც მაინტერესებდა და მომწონდა და მაქსიმალურად ვცდილობდი, ყველაფერი მესწავლა და ვბეჯითობდი. რომ არა გერმანიაში წასვლის გადაწყვეტილება, აუცილებლად ვიქნებოდი ამ პროფესიაში. შექმნის და ძიების პროცესი ძალიან მომწონს, ვიდრე ის, რაც ზედამხედველად, დეტალებს ძიება ჩემთვის ძალიან მნიშვნელოვანია და ამ პროფესიასაც ძალიან სჭირდება.

გერმანიაში ექვსი წლის ცხოვრების შემდეგ, ორი სემესტრის ხანგრძლივობით, დაგბრუნდი თბილისში, ამჟამად, გაცვლითი პროექტის ფარგლებში, ვარ ივანე ჯავახიშვილის სახელობის თბილისის სახელმწიფო უნივერსიტეტში. სამსახაროდ, უნდა ვთქვა, რომ მდგომარეობა უნივერსიტეტში იმაზე მძიმე დამხვდა, ვიდრე ველოდი. მით უფრო, თუ გერმანიის უნივერსიტეტებს შევადარებ. საქართველოს უნივერსიტეტებს კიდევ ბევრი აქვთ გასაკეთებელი, მათ შორის, პროფესორ-მასწავლებლებისაც, რომ სწავლების ინოვაციურ და XXI საუკუნის მოთხოვნებს მიჰყვები. ცხადია, საინტერესო პროფესორ-მასწავლებლებს აქვთ შევხვდი, რაც ძალიან მახარებს. უნდა ვაღიარო, რომ ზოგიერთი მასწავლებელი მოვალეობის მიზნით უფრო მოდიოდა ლექციაზე, ვიდრე სიყვარულით. გერმანიაში, კერძოდ, იენის უნივერსიტეტში, ხშირად შემხვედრია საქართველოს სხვადასხვა უნივერსიტეტიდან მოწვეული პროფესორები, რომლებიც, დარწმუნებული ვარ, ლექციებს პრეზენტაციებით ატარებენ და ახსნის დროს გადაშლილი წიგნი არ უდევთ წინ.

– მაია, განათლების მიღება საზღვარგარეთ ქართველი ახალგაზრდებისთვის სულ უფრო და უფრო პოპულარული ხდება. მიაშვ, რა გზა გაიარე საქართველოდან გერმანიაში და რატომ აირჩიე განათლების მისაღებად ფრიდრიხ შილერის სახელობის იენის უნივერსიტეტი?

– კონკრეტული მიზეზი, თუ რატომ გერმანია და იქ სწავლა, სიმართლე გითხრათ, არ მქონია. თუმცა, ჩემი მიზანი ყოველთვის გერმანია იყო. ალბათ იმიტომ, რომ სკოლაში გერმანულ ენას ვწავლობდი და სხვადასხვა პროგრამების საშუალებით იქ მოხვედრა შედარებით იოლი იყო. ყველას თავისი გზა აქვს, რომელსაც ზოგი მარტივად გადის, ზოგი რთულად. თუმცა, გერმანიაში მყოფ სტუდენტებს, ძირითადად, ერთნაირი ისტორიები გვაქვს. უნივერსიტეტში მოხვედრა არც ისე მარტივია. პირველ რიგში, საჭიროა ენის კარგად ფლობა და სერტიფიკატის აღება. უნდა იარო ენის კურსებზე, რაც საკმაოდ ძვირია. როცა ოჯახიდან დახმარებას ვერ იღებ, სწავლის პარალელურად, მუშაობა გინდა, რაც საკმაოდ დიდ შრომას და ენერჯის მოითხოვს.

– უცხოეთში, სოციალური უზრუნველყოფის სისტემის დაწესებულებაში რეგისტრაციის შედეგად, უცხოელ სტუდენტებს, სწავლის პირველივე წლიდან უფლება აქვთ იმუშაონ ნახევარ განაკვეთზე, გაქვს თუ არა მუშაობის შესაძლებლობა სწავლის პარალელურად?

– დიახ, გერმანიაში სტუდენტებს გვაქვს უფლება, წელიწადში 120 სრული დღე ან 240 ნახევარი დღე, ვიმუშაოთ. იქიდან გამომდინარე, რომ ფინანსურად თავად უზრუნველყოფ საკუთარ თავს და არავისზე არ ვარ დამოკიდებული, მიწვევს მუშაობაც. სწავლის პარალელურად მუშაობა მარტივი ნამდვილად არ არის, თუმცა სხვანაირად ცხოვრება შეუძლებელია. სამსახაროდ, ბევრი ვეღარ უძლებს ასეთ დატვირთვას და სწავლას წყვეტს. მეც ბევრი დაბრკოლების გადალახვა მომიწია, სანამ უნივერსიტეტში მოვხვდებოდი, თუმცა ჩემ გარემო

ყოველთვის იყენებ ადამიანები, რომლებიც მხარში მედგნენ და მემხარებოდნენ სირთულეების გადალახვაში. უცხოეთში, სწავლის პარალელურად, ბევრი ქართველი სტუდენტი მუშაობს, ასე რომ ამაზე წუწუნი ჩემი მხრიდან უხერხულია. მეც ბევრჯერ მქონია რთული პერიოდი და მიფიქრია სწავლისთვის თავის დაწება, მაგრამ ასე ხომ მთელი ჩემი შრომა წყალში უნდა ჩამყარა. ამიტომ არასდროს შემინწყვეტია ბრძოლა. ყოველთვის საკუთარ თავს ვამხნევებ, რაც ძალიან მემხარება.

– გვიამბე იენის უნივერსიტეტის შესახებ, რა წესით გამოიყოფა სტიპენდიები და გრანტები უცხოელი სტუდენტებისთვის, რა პრივილეგიებით სარგებლობენ წარჩინებული სტუდენტები, არის თუ არა მათთვის რაიმე შეღავათები?

– იენის უნივერსიტეტი 1558 წელს დაარსდა და სიძველით, რიგით მეორე უნივერსიტეტია გერმანიაში. აქვს სასწავლო კურსების ძალიან ფართო არჩევანი და ჰყავს 20000-მდე სტუდენტი. მე ვსწავლობ პოლიტიკური მეცნიერებების და კავკასიოლოგიის ფაკულტეტზე. იენის უნივერსიტეტი, დიდი ხანია, დამეგობრებულია საქართველოსთან, კავკასიოლოგიის ფაკულტეტს ძალიან უფრთხილდებიან. სტუდენტების სიმცირის გამო იყო დახურვის საფრთხე, მაგრამ ჯერჯერობით დატოვეს და ძალიან მიხარია. ბიბლიოთეკაშიც ძალიან ბევრი ქართულენოვანი წიგნია და იმ განყოფილებაში შესვლა განსაკუთრებით მახარებს ხოლმე. მეოთხე სემესტრი დაიწყო, სანამ საქართველოში წამოვიდოდი, Erasmus+ პროგრამის ფარგლებში, ამჟამად აკადემიური სემესტრი მაქვს – გარკვეულ სანაღვრე ჯავახიშვილის უნივერსიტეტში გავდივარ. ზოგადად, უნივერსიტეტი და პროფესორები თითოეულ სტუდენტს ეხმარებიან. განსაკუთრებით კარგი დამოკიდებულება აქვთ უცხოელი სტუდენტების მიმართ. გერმანული რთული ენაა და ის საგნები, რასაც მე ვადივარ, მოითხოვს დიდი რაოდენობით ლიტერატურის კითხვას, გააზრებას და, სემესტრის ბოლოს, რეფერატების წერას, რაც ზოგჯერ თავად გერმანულზე-საც კი უჭირთ. იქ ყველა სტუდენტს ეხმარებიან ფინანსურად და უდგანან მხარში, რომ ხარისხიანი განათლება მიიღოს.

– იენის უნივერსიტეტში, თავის დროზე, ძალიან ბევრი ცნობილი ადამიანი სწავლობდა. ვინ არიან ისინი და რა იცი მათ შესახებ?

– იენის უნივერსიტეტს ბევრი ცნობილი გერმანელი საზოგადო მოღვაწის სახელი უკავშირდება, მათ შორის, გოეთე, 1789 წლიდან უნივერსიტეტის პროფესორი იყო; ცნობილი გერმანელი პოეტი ფრიდრიხ შილერი, რომლის სახელსაც ატარებს უნივერსიტეტი. მე-19 საუკუნეში იდეალისტური ფილოსოფიის ცენტრად აქციეს იენა ჰეგელმა და შელინგმა. ასევე, იენის უნივერსიტეტში, სხვადასხვა დროს, სწავლობდნენ: კარლ მარქსი, ოტტო შოტი, ერნსტ აბბე, არტურ შოპენჰაუერი, კარლ ცაისი, ნოვალისი, ჰაინრიხ ვებერი, პეტერ ბოლერი, ვილჰელმ შუმპოლდტი და სხვები.

– რა შეგიძლია გვიამბო სასწავლო პროგრამებისა და ლექციების შესახებ, როგორი დამოკიდებულებაა ლექტორსა და სტუდენტებს შორის, მინდა ერთგვარი შედარება გავაკეთოთ ქართულ უნივერსიტეტებთან?

– რაც შეეხება პროფესორებს, თავიანთი რეგალიების მიუხედავად, არიან ძალიან მეგობრულები, უშუალოები და მაქსიმალურად ცდილობენ, დაგანტერესონ თავიანთი საგნით. ყოველთვის ვერ დავარაობ დაგებმარონ. „ხედავს ყურების“ მომენტებს ვერ იგრძნობ მათგან, პირიქით, სულ გეუბნებიან, რომ კითხვის დასმა არ უნდა მოგერიდოს, არც იმის შიში გქონდეს, რომ რამეს არასწორად იტყვი და ვინმე ამის გამო დაგცინებს. მე მქონდა შემთხვევა, არდადეგების პერიოდში შევბრუნებოდი მყოფი ჩემი ერთ-ერთი პროფესორი სკაიპის საშუალებით მიხსნიდა როგორ შემესრულებინა დავალება. ხშირად იწვევენ ლექტორებს, რომლებიც ერთი სემესტრი რჩებიან ან მთელი კვირის მანძილზე ვადაბმულად კითხულობენ ლექციებს, ზოგი ერთი დღით ჩამოდის. საშობაოდ ფაკულტეტის სტუდენტები და ლექტორები ერთად იკრიბებიან მეგობრულ გარემოში, მიირთმევენ ტრადიციულ გერმანულ თბილ ღვინოს და საშობაო ნამცხვარს. ამ დროს პროფესორები კიდევ უფრო უშუალოები არიან, ზოგი საშობაო ზღაპრებს გვიკითხავს, ზოგი გვიმღერის და ა.შ. იენის უნივერსიტეტში კიდევ ერთი ტრადიციაა, ლექციის თუ სემინარის ბოლოს, სტუდენტები და პროფესორები მაგიდაზე აკაკუნებენ, ამით მადლობას უხდებიან ერთმანეთს დასწრებისთვის.

ჯავახიშვილის უნივერსიტეტში მხოლოდ ორი სემესტრით ვარ და ამიტომ ბევრ ლექტორთან ურთიერთობა არ მიწევს. რამდენიმე ლექტორი მომეწონა განსაკუთრებით, მათი ლექციის მოსმენა და მათთან ურთიერთობა სასიამოვნო იყო. თუმცა, სამსახაროდ, უნდა აღვნიშნო, რომ ლექციებზე პრეზენტაციებით ლექტორების ძალიან მცირე რაოდენობა მოდის. არადა, პრეზენტაციები ძალიან ეხმარება სტუდენტს მასალის დამუშავებაში, რადგან ახსნის დროს შეიძლება რაღაცის ჩანერვა ვერ მოახდინო ან გამოგჩრქვას.

ასევე ძალიან უცნაურია უნივერსიტეტში ყოველი ლექციის თუ სემინარის დაწყების წინ სიის ამოკითხვა. მესმის, რომ ამაში შესაბამისი ქულა იწერება და ერთგვარი კონტროლის მეთოდია, მაგრამ საკმაოდ დიდი დრო მიაქვს, განსაკუთრებით თუ აუდიტორია მრავალრიცხოვანია. დასწრების დაფიქსირება სხვა უფრო მარტივი მეთოდებითაც შეიძლება. ჩემი აზრით, ეს ლექტორსა და სტუდენტს შორის ნდობის ფაქტორის ნაკლებობაზე მიუთითებს.

– რა როლი უჭირავს გერმანიაში საუნივერსიტეტო ბიბლიოთეკებს?



– საქართველოში საუნივერსიტეტო ბიბლიოთეკების თემა ერთ-ერთი ყველაზე მტკივნეული საკითხია. გერმანიაში ბიბლიოთეკა სტუდენტისთვის, ფაქტობრივად, მეორე სახლია. სახლში მხოლოდ დასაძინებლად მიდიხარ. დანარჩენ დროს ბიბლიოთეკაში ატარებ. შესაბამისად, იქ ბიბლიოთეკები აბსოლუტურად სტუდენტებზეა მორგებული. იქ უფრო მეტი საჭირო წიგნია, უფრო მოწესრიგებულია ონლაინ სისტემა, რადგან მათ აქვთ საშუალება იყიდონ ახალი გამოცემები ან თარგმნონ, რისი საშუალებაც, სამსახაროდ, საქართველოს უნივერსიტეტებს არ აქვთ. შესაბამისად, აქ როგორც ქართულენოვანი, ასევე უცხოურენოვანი წიგნების სიმცირეა. ყველაზე არასასიამოვნო მომენტი ჩემთვის მაინც „ჩაკეტილი წიგნებია“, არ შეგიძლია თარგმნო შორის თავისუფლად იარო და აირჩიო ლიტერატურა. აქ უნდა მოითხოვო კონკრეტული წიგნი, თუ მომსახურე პერსონალს არ დაეზარა, მოგიტანს თუ არადა, მიგითითებს სად დევს და თვითონ აიღებ. არადა, როცა წიგნებთან გაქვს ურთიერთობა, როცა თარგმნებ შენ თვითონ ეძებ, ამ დროს შეიძლება ისეთი რაღაცეები აღმოაჩინო და ისეთ თემაზე დაფიქრდ, რაც მანამდე თავში აზრადაც არ მოგივიდოდა. აქ წიგნებს სახლშიც არ გატანენ, მხოლოდ ბიბლიოთეკაში შეგიძლია კითხვა.

– როგორ ფიქრობ, რა უპირატესობა აქვს ევროპულ მონიწივე უმაღლეს სასწავლებლებს ქართულთან შედარებით?

– ევროპის მონიწივე უნივერსიტეტების და ქართული უნივერსიტეტების შედარება არასწორი იქნება, რადგან ისინი, ჩვენგან განსხვავებით, პოლიტიკური, ეკონომიკური თუ სოციალური ფაქტორებით ბევრად წინ არიან. მათ, ჩვენგან განსხვავებით, უფრო მეტი რესურსი აქვთ იმისთვის, რომ იყენებ წარმატებულად. ჩვენი ქვეყანა მუდმივად ფეხზე წამოდგომის პროცესშია. იმისთვის, რომ წელში გავიმართოთ, გვჭირდება სწორი განათლების პოლიტიკა. მიუხედავად იმისა, რომ საქართველოს უნივერსიტეტები ვერ აკმაყოფილებენ იმ დონეს, რომელიც აქვთ ევროპის არა მარტო წარმატებულ, არამედ რიგით უნივერსიტეტებს, საქართველოში სწავლის გადასახადი ბევრად ძვირია.

შენობები უნდა მოწესრიგდეს, ბიბლიოთეკებმა უფრო მეტი წიგნი უნდა შეიძინონ, სტატიები და წიგნები უნდა ითარგმნოს, პრაქტიკული მეცადინეობისთვის ლაბორატორიები უნდა ჰქონდეთ. არ შეიძლება ერთ საგანს მთელი სემესტრის განმავლობაში კონკრეტული ავტორის ერთი წიგნით გადიოდე. თუმცა, ამის მოთხოვნა თვითონ სტუდენტებს უნდა გაუჩნდეთ.

– როგორც ვიცი, 2016 წლიდან, გერმანიაში, იენის უნივერსიტეტის ქართველმა სტუდენტებმა დააარსეთ გაერთიანება, კერძოდ რა საქმიანობას ეწევიან და რა არის ამ გაერთიანების მიზანი?

– იქიდან გამომდინარე, რომ იენის უნივერსიტეტი საქართველოსთან დამეგობრებულია, უკვე მრავალი წელია, იენაში ბევრი ქართველი სტუდენტი, რომელიც სრულად იქ ირიცხება ან სხვადასხვა გაცვლითი პროგრამის ფარგლებში ჩამოდის. 2016 წელს დაარსდა სტუდენტური გაერთიანება „ლილეო“, რომლის მთავარი მიზანია, რაც შეიძლება მეტ ადამიანს გავაცნოთ საქართველო. ორი სემესტრის განმავლობაში, უნივერსიტეტის პროგრამის ფარგლებში, ტარდებოდა ქართული ცეკვის გაკვეთილები, რომელსაც ძირითადად უცხოელი სტუდენტები ესწრებოდნენ. ჩვენ, იქ მყოფი სტუდენტები, ჩვენი ქვეყნის ელჩები ვართ და ვის როგორ შეუძლია ისე ვაცნობთ საქართველოს უცხოელ მეგობრებს.

ქართული სტუდენტები უსსოთში

– სად და როგორ ატარებთ თავისუფალ დროს? როგორ გესაზღვრება მომავალი, სად აპირებთ დამკვიდრებას? მიახლოებით, როგორ ცხოვრობენ გერმანელი ახალგაზრდები, რა არის მათთვის პრიორიტეტული, რომელი დარგია ყველაზე მეტად პოპულარული?

– სემესტრის განმავლობაში, როცა სალექციო პერიოდი, გამოცდები და თან ვმუშაობ, თავისუფალი დრო ძალიან ცოტა მრჩება, ძირითადად, ვცდილობ, მეგობრებთან ერთად ვატარებ. არდადეგებზე კი, ვმოგზაურობ. სტუდენტების ცხოვრება ასეთია, ორშაბათიდან პარასკევის ჩათვლით – უნივერსიტეტი-ბიბლიოთეკა, პარასკევის საღამოს ან შაბათს შეგიძლია თავს უფლება მისცე და გაერთო. გერმანიაში, უნივერსიტეტების გარდა, ძალიან განვითარებულია პროფესიული განათლების სკოლები. იქ თან სწავლობ, თან მუშაობ და შემოსავალი გაქვს. სახელისა და პოპულარობის მიხედვით პროფესიას არ ირჩევენ, იქ ფიქრობენ იმაზე, რამდენად გამოიყენებენ პრაქტიკაში. მედიცინა, ეკონომიკა, იურისპრუდენცია, პედაგოგია, ასევე, ტექნიკური და საბუნებისმეტყველო სფეროები, ძალიან პოპულარულია გერმანიაში.

რაც შეეხება კითხვას, სად ვაპირებთ მომავალში დამკვიდრებას, ამაზე კონკრეტული პასუხი არ მაქვს. ზოგადად, ჩემი გეგმები ხშირად იცვლება, ძალიან სპონტანურად შევიტანე სტიპენდიაზე განაცხადი და სპონტანურად მივიღე საქართველოში წამოსვლის გადაწყვეტილება, რაც ბევრისთვის გაუგებარი იყო. ასევე არ ვიცი რას ვიზამ, როცა იენაში დავბრუნდები. ამ ეტაპზე, ჩემთვის მთავარი საზრუნავი უნივერსიტეტის დამთავრებაა. მერე რა იქნება, არ ვიცი. ზოგადად რა მინდა, ვიცი, მაგრამ ხშირად ისე არ არის, როგორც გვინდა.

– როგორ ფიქრობ, საზღვარგარეთ მიღებული განათლება საქართველოში დასაქმებაში ითამაშებს თუ არა გადამწყვეტ როლს?

– ვერ გეტყვით, ამ შემთხვევაში, დამსაქმებელს გააჩნია, თუ მას უნდა, რომ ჰყავდეს მაღალკვალიფიციური კადრი, ალბათ, ითამაშებს. ჩემთვის საზღვარგარეთ მიღებული უმაღლესი განათლება საქართველოში დასაქმების გარანტი, სამწუხაროდ, არ არის.

– რას ურჩევთ იმ ახალგაზრდებს, რომლებსაც საზღვარგარეთ ცოდნის გაღრმავებისა და კვალიფიკაციის ამაღლების სურვილი აქვთ.

– პირველ რიგში, საჭიროა სურვილი, მონდობა და საკუთარი თავის რწმენა, რომ შენ ეს შეგიძლია. თუ ერთხელ მაინც შეგეპარება საკუთარ თავში ეჭვი, ვერასდროს ვერაფერს მიაღწევ. არ უნდა დაელოდო, რომ ვინმე ხელს გამოგიწვდის და ცხოვრებას გაგიმარტივებს. ვერც უცხო ენას ისწავლიან შენ მაგივრად, ვერც გამოცდებს ჩაგიბარებენ და ვერც იმუშავენ შენ. საკუთარ თავს ოცნებებიც შენ თვითონ უნდა აუხდინო და ცხოვრებაც შენ თვითონ უნდა გაუმარტივო.

– როცა საქართველოდან ასე შორს ხარ, რა გენატრება ყველაზე მეტად?

– მენატრება ის, რაც ყველაზე ძვირფასია – ოჯახის წევრები და მეგობრები. ექვს წელზე მეტია გერმანიაში ვცხოვრობ. ის პერიოდი, როცა პიროვნებად ყალიბდები, გიყალიბებდა შეხედულებები და მსოფლმხედველობა, გერმანიაში გავიარე. ვერც საქართველოში ჩამოვდიოდი ხშირად. კონტაქტის შექმნა რაღაც დროით გაუცხოებად გამოიწვია. როცა დრო გადის, ხვდები როგორი ძვირფასია ეს ადამიანები შენთვის და გენანება მათ გარეშე გატარებული ყოველი წუთი.

– დაბოლოს, როცა ადამიანი საზღვარგარეთ ცხოვრობს, ალბათ მეტს ფიქრობს სამშობლოზე. საზღვარგარეთ გატარებულ მცირე პერიოდშიც კი ადამიანი სხვანაირად აფასებს საკუთარ ღირებულებებს. რა არის ყველაზე მნიშვნელოვანი

და ღირებული, რაც ევროპამ მოგცა?

– როცა შორს ხარ, სხვა ფასი ედება სამშობლოს, როცა გერმანიაში ცხოვრობ, ქვეყანაში, რომელიც თავისი მოწესრიგებულობით ერთ-ერთი საუკეთესოა ევროპაში, უფრო მეტად გიჩნდება სურვილი, ასეთი იყოს შენი სამშობლოც. ევროპამ რომ კარი გაგიღო, ამის მაგალითი ვიზალიზირალიზაციაა. მართალია, გერმანიაში მყოფ სტუდენტებს მაინც გეჭირდება იქ ცხოვრების უფლება და სხვა საბუთით გადავადგილებით, მაგრამ აპრილში ქუთაისიდან რომ გავფრინდი ბერლინში, ძალიან ბედნიერი ვიყავი, როცა ვხედავდი როგორ უპრობლემოდ ატარებდნენ მესაზღვრეები საქართველოს მოქალაქეებს და ეუბნებოდნენ – მობრძანდით. ახლა უკვე ჩვენზე, როგორ ვუპასუხებთ ამ ნდობას. ჩემი, როგორც პიროვნების ჩამოყალიბებაში, დიდი როლი ითამაშა გერმანიაში ცხოვრებამ. ღირებულებების გადაფასება დროთა განმავლობაში მოხდა. კარგია, როცა ქვეყნიდან გასვლის საშუალება გეძლევა, მერე შეგიძლია რაღაცები ერთმანეთს შეადარო და უფრო მიხვდე რა მოგწონს და რა არა, რა უფრო ღირებულია და რა არა. შეიძლება ადრე რაც ძვირფასად მიგაჩნდა, ფასი დაკარგოს, სხვა თვალთ შეხედო. ევროპაში ცხოვრებამ მსოფლიო აღმომაჩინა, სხვადასხვა ქვეყნიდან ჩასული ადამიანებისგან, რომლებთანაც ყოველდღიურად გინევის ურთიერთობა, ძალიან ბევრს სწავლობ. სწორედ მათთან ურთიერთობამ მასწავლა, რომ ოცნებების ახდენა არც ისე რთული ყოფილა, ვნახე ქალაქები და ქვეყნები, მხოლოდ ფოტოებიდან რომ ვიციოდი და ვერც კი წარმომედგინა, თუ ერთ დღეს, იქ მეც მოვხვდებოდი. ყოველთვის მინდოდა ვყოფილიყავი თავისუფალი და დამოუკიდებელი, დღესაც ყველაფერს ვაკეთებ ამისთვის.

ესაუბრა მამა ყიფინანი

კონფერენსია



მარიამ დავითაშვილი

სამოქალაქო განათლება მომავალზე ზრუნვისთვის

სამოქალაქო განათლების პედაგოგთა წლიური, რიგით მე-7 კონფერენცია-გამოფენა, 2017 წლის 13 მაისს, ექსპოჯორჯიას პავილიონში გაიმართა.

კონფერენცია გახსნა სამოქალაქო განათლების პროგრამა „მომავლის თაობის“ დირექტორმა, მარიამ უშვერიძემ. მან აღნიშნა, რომ 2010-2014 წლებში პროგრამაში ჩართული იყო 740 სკოლა, საქართველოს მასშტაბით; 2014-2017 წლებში კი პროგრამამ 480 სკოლა მოიცვა, ჩატარდა ტრენინგები მასწავლებლებისთვის – „დემოკრატიული მოქალაქის სწავლება“; პედაგოგებს 11000 სასწავლო რესურსი გადაეცათ, პროექტში 125000-მა უფროსკლასელმა მიიღო მონაწილეობა. 7 წლის განმავლობაში 751 პროექტი დაფინანსდა, რასაც 391000\$ მოხმარდა. სულ პროექტი მოსარგებლე ადამიანების რიცხვმა 338000 შეადგინა.

ენციტ საიტს Initiatives.ge, რათა უკეთ გაეცნოთ პროექტის მიმდინარეობას და შედეგებს. 350 სკოლა და 50 პედაგოგი ტექნიკით დაჯილდოვდა; 100-ზე მეტმა მასწავლებელმა შექმნა ბლოგი, რაც კარგი საშუალებაა ერთმანეთისთვის გამოცდების გასაზიარებლად.

ფორუმი აერთიანებს 1000-ზე მეტ პედაგოგს. 1500-მა მასწავლებელმა მონაწილეობა მიიღო სამოდელო გაკვეთილებში, მასტერ-კლასებში, პროფესიული გაზიარების ჯგუფებში. რაც უჭირს პედაგოგს, გაუზიაროს კოლეგებს და ითხოვოს მათგან დახმარება – ეს არის დიდი ცვლილება პედაგოგების დამოკიდებულებაში ერთმანეთის მიმართ, რაც, უდავოდ, ამ

პროგრამის დამსახურებაა. 2014 წელს 700-ზე მეტი დირექტორი გადამაზღდა. შედეგები:

1. მიღებული ცოდნის პრაქტიკაში გამოყენება გაზარდილია 27%-ით;
2. დამოუკიდებლად მოსწავლეთა მიერ სამოქალაქო ინიციატივის დაწყება გაზარდილია 32%-ით.

პროგრამა დამთავრდა, მაგრამ დიდი იმედი გვაქვს სახელმწიფოს მხარდაჭერის, აღნიშნული საქმის გაგრძელების კუთხით, რადგან ყველას კარგად გვესმის, რომ სამოქალაქო განათლებას თუ ასწავლი მალაღ დონეზე, ე.ი. აუცილებლად ზრუნავ შენი ქვეყნის მომავალზე.

მისასალმებელი სიტყვა წარმოთქვა და პროგრამის მუშაობა დადებითად შეაფასა განათლებისა და მეცნიერების მინისტრმა ალექსანდრე ჯეჯელავამ. მონვეულ სტუმრებს შორის იყო აგრეთვე მასწავლებელთა პროფესიული განვითარების ცენტრის ხელმძღვანელი გიორგი მანაბელი. მან განაცხადა, რომ კურსი ალბათი მაქსიმალურად განვითარებადი გარემოს შესაქმნელად მასწავლებლებისთვის, მათი პროფესიული განვითარებისთვის. 13 მაისს განათლების სამინისტროში ხელი მოეწერა მემორანდუმს საუკეთესო მასწავლებლის პრიზის დაწესების შესახებ. საქართველო გახდა საერთაშორისო ქსელის წევრი, რომლის ფარგლებშიც, დაწესდა ეს პრიზი და გამარჯვებული მსოფლიო ფორუმზე წარდგება. საუკეთესო მასწავლებელი გამოვლინდება 5 ოქტომბერს, მასწავლებლის დღეს, რაც გადაიცემა საზოგადოებრივი მაუწყებლის პირდაპირ ეთერში.



მემორანდუმს ხელი მოაწერა განათლებისა და მეცნიერების მინისტრის მოადგილემ, ლია გიგაურმა, მასწავლებელთა პროფესიული ცენტრის ხელმძღვანელმა, გიორგი მანაბელმა და კანდიდატის განათლება ყველასათვის“ დირექტორმა, ირინა ხანთაძემ.

მასწავლებელთა ეროვნული ჯილდოს დაწესების შესახებ ოფიციალური პრეზენტაცია გაიმართება მაისის ბოლოს, თბილისში, შემდეგ – რეგიონებშიც. ამ პროცესს ჰყავს მხარდაჭერები კერძო სექტორიდანაც. რომელთა ვინაობაც ჯერჯერობით არ სახელდება. საპრიზო ფონდი 10000 ლარია. პროცედურის მიხედვით, სექტემბრის ბოლოსთვის, პირველ ეტაპზე, 5 ფინალისტი გამოვლინდება, ხოლო 5 ოქტომბერს, პირდაპირ ეთერში – 1 გამარჯვებული. გლობალურ კონკურსში მონაწილეობის უფლება, გარდა გამარჯვებული პედაგოგისა, არც სხვა მასწავლებლებს ეზღუდებათ. იქ უკვე გამარჯვებული მასწავლებლის პრიზი მილიონი დოლარია.

ეს ინიციატივა საზოგადოებაში პედაგოგის პროფესიის პრესტიჟის ზრდას ემსახურება. ამიტომაც ჩაერთვება მასში მედია საშუალებები, რომ კამპანია მოცულობითი იყოს.

სამოქალაქო განათლების სწავლების მიმართულებით, ცვლილებების შესახებ ესაუბრა განათლებისა და მეცნიერების სამინისტროს ეროვნული სასწავლო გეგმების განვითარების კოორდინატორმა, ნიკოლოზ სილაგაძემ.

საბაზო საფეხურზე სამოქალაქო განათლების სწავლა დაიწყება არა მე-9 კლასიდან, არამედ მე-7-დან და საგნის სწავლება იქნება სავალდებულო. ასევე, საათების რაოდენობა გაიზარდება მე-3 საფეხურზეც. რაც შეეხება საგანს „მე და საზოგადოება“, მისი შესწავლა, მომავალი წლიდან, მე-3 კლასიდან დაიწყება. საგნის სწავლების მთავარი მიღწევა – პრაქტიკების კეთებით სწავლა ფორმალურ განათლებაში ადამიანის ცვლადს, როგორც სავალდებულო ელემენტი. 30% კურიკულუმში კლუბურ მუშაობას დაეთმობა. ეს გვიძლავს დეცენტრალიზაციის გზით. არ შეიძლება არსებობდეს ერთი კურიკულუმი და ის ყველაფერს მოარგო. პედაგოგმა თვითონ უნდა მოარგოს თავისი პრაქტიკა კურიკულუმს.

ეს არის საგანი, რომელიც სკოლებში ან ძალიან კარგად ისწავლება, ან არ ისწავლება საერთოდ და ეს არის საგანი, რომელს ისწავლებას მარტო საკლასო ოთახში ვერ განახორციელებ.



კონფერენცია

ბთავაზოვით თბილისის №128 საჯარო სკოლაში ჩატარებული კონფერენციის „კროზლემაზე ორიენტირებული სწავლების მეთოდები“ ორ მოხსენებას:

ინტერნეტრესურსებით სწავლება დანახებით საფეხურზე

ცნობილია, რომ ქართველ მოსწავლეებს შეუძლიათ ინფორმაციულ-საკომუნიკაციო ტექნოლოგიების აქტიური გამოყენება, რაც უკავშირდება მოსწავლეებში 21-ე საუკუნის უნარ-ჩვევების განვითარებას.

ინტერნეტრესურსებით სწავლება კი არის ცოდნის მიღების ახალი მეთოდი, რაც საშუალებას აძლევს მასწავლებელს, უფრო მრავალფეროვანი და საინტერესო გახადოს სწავლისა და სწავლების პროცესი. გაკვეთილის გახალისება ხდება ვიდეოგაკვეთილებით, ელექტრონული წიგნებით, სლაიდშოუებით, მინი-სექტაკლებითა და სხვადასხვა საფარგლოებით. მაგალითი მოსწავლეების მოტივაცია სასწავლო პროცესის მიმართ, უმუშავდებოდა დამოუკიდებლად მუშაობის უნარ-ჩვევები და ცოდნის შექმნა-განვითარება თამაშითა შესაძლებელია. აღნიშნული მეთოდიკა საშუალებას აძლევს მშობელს, დაეხმაროს შვილს მეცადინეობისას, დისტანციურად გააკონტროლოს სწავლის პროცესი, გააანალიზოს ბავშვის მიერ დაშვებული შეცდომები და დააკვირდეს მის პროგრესს.

დანახებით კლასის მოსწავლეებზე დაკვირვებამ დამარწმუნა, რომ მათ შეუძლიათ ვიზუალურად წარმოადგინონ ნაკითხული, მოსმენილი ტექსტით აღძრული შთაბეჭდილებები, მაგრამ, ხშირ შემთხვევაში, უჭირთ ტექსტის სტრუქტურის აღქმა, დამოკიდებულების გამოხატვა, ტექსტის გაზრება, არ აქვთ თვითგამოხატვისათვის აუცილებელი ენობრივი უნარ-ჩვევები. მიზეზი, რომ პრობლემას წარმოადგენდა მოსწავლეთათვის სასწავლო მასალის მინოდების ფორმა და დავიწყე ამ კუთხით სხვადასხვა ინტერნეტრესურსის მოძიება და დამუშავება.

ჩემი მთავარი მიზანი გახდა: ციფრული წიგნიერების განვითარების ხელშეწყობა და მოსწავლეთა მოტივაციის ამაღლებაზე ზრუნვა.

აღნიშნული მიზნების მისაღწევად, პირველ რიგში, მოვანერგე ისეთი ტექნოლოგიები, როგორებიცაა:

- პორტატული კომპიუტერი, ბუკი;
- კომპიუტერული პროგრამა;
- პროექტორი;
- თეთრი დაფა;
- ციფრული კამერა;
- მობილური და უკაბელო საშუალებები, როგორცაა მობილური ტელეფონი;
- ელექტრონული საკომუნიკაციო საშუალებები, – ელექტრონული ფოსტა და ა.შ.

საგნის სტანდარტზე გასასვლელად, მოსწავლეთა სწავლის მოტივაციის ამაღლებისათვის, ვქმნი მრავალფეროვან სასწავლო რესურსებს მოსწავლეთა მონაწილეობით, მათივე საჭიროებებისა და ინტერესების გათვალისწინებით.

რესურსების შესაქმნელად ვიყენებ შემდეგ კომპიუტერულ

პროგრამებს: **movie maker** და **power point**.

გაკვეთილებზე კი, სწავლა-სწავლების ხარისხის გაუმჯობესებისათვის, ჩემ მიერ შექმნილ რესურსებთან ერთად, მიზნობრივად ვიყენებ უკვე მზა კომპიუტერულ მასალებს, როგორებიცაა: სასწავლო პროგრამები, კომპიუტერული ტრენაჟორები, გამოცანები, კომპიუტერული თამაშები, ბარათები, სამუშაო სქემები, მაგიდები, ბეჭდური ილუსტრაციები, ტესტები (ლია, დახურული), კროსვორდები.

მიმანჩია, რომ დანახებითი კლასის მოსწავლისათვის ძალიან მნიშვნელოვანია, ნებისმიერი აქტივობა შეიცავდეს თამაშის ელემენტებს, ამიტომ გაკვეთილებზე ხშირად შემოვიყვანე ვირტუალური, წარმოსახვითი მეგობარი, რომელსაც სხვადასხვა სიურპრიზი აქვს ბავშვებისათვის მომზადებული. მაგალითად, სახალწლოდ გვესტუმრა თოვლის ბაბუა, რომელმაც საინტერესო ამოცანები მოგვიტანა ამოსახსნელად. რა თქმა უნდა ამოცანის ტექსტს თავად კითხულობდნენ ეკრანზე, სწორი პასუხის შემთხვევაში კი, თოვლის ბაბუა ფიფქებით და სიყვარულით (გულებით) აჯილდოებდა მათ. ასევე საინტერესო ისტორიებით გვესტუმრობდნენ: ბურატინო, ნიტელქუდა, ექიმი აბოლიტი – აფრიკიდან და ა.შ. ნებისმიერ ვიზიტს გაკვეთილის თემასთან შესაბამისი მიზანი აქვს. სიურპრიზები კი, ძირითადად, არის ამბები, ამოცანები, საჯაროჯიშოები, გამოცანები, ზღაპრები, რომელსაც მე თვითონ ვწერ და მოსწავლეები პირველად იმევენ. მაქსიმალურად ვცდილობ, გაკვეთილი მინი-სექტაკლად ვაქციო, რათა სწავლის პროცესი უფრო სახალისო და საინტერესო გახდეს.

ვიყენებ ინტერნეტრესურსებს არასაგაკვეთილო დროს, რათა მქონდეს უწყვეტი კავშირი, როგორც მოსწავლესთან, ასევე მშობელთან.

- <http://www.edmodo.com>,
- <http://www.skool.ge>,
- <http://www.buki.ge>,
- <http://www.calameo.com/>,
- <https://www.pizap.com/>,
- <https://ka.khanacademy.org/>,
- <https://kargiskola.ge.code.org/>,
- [www.facebook.com](http://www.facebook.com)

მშობლებთან უწყვეტი კავშირისათვის შევქმენი ჯგუფი სოციალურ ქსელში, დავარეგისტრირე ისინი საგანმანათლებლო ვებგვერდებზე, ვხვდები მათ ინდივიდუალურად და საჭიროებისამებრ ვასწავლი ელექტრონული რესურსების გამოყენებას.

მშობლები აქტიურობენ, თავად მთავაზობენ საინტერესო იდეებს, მესაუბრებიან საკუთარი შვილების შესახებ. ვუგზავნი მათ ჩემ მიერ შექმნილ საგანმანათლებლო რესურსებს (თამაშებს, პრეზენტაციებს, მინი-ფილმებს და ა.შ.), ასევე ვიღებ უკუკავშირს მშობლებისგანაც. პარალელურად, ვწვდი მათ იმ ვებგვერდების მისამართებს, რომელზეც საინტერესო

სასწავლო მასალა ქვეყნდება.

მოსწავლეებიც დავარეგისტრირე „ედმოდოს“ ქსელში და ინტერნეტის საშუალებით ვაჩვენებ, როგორ ვკითხულობ ლექსებს, საბავშვო წიგნებს, ვასმენინებ მუსიკას. ძალიან ხშირად ვუგზავნი ნასაკითხად ელექტრონულ წიგნებს, სხვადასხვა დავალებებით. ერთად ვთხავთ პატარა ზღაპრებს, ვავსებთ კროსვორდებს და ა.შ. ასეთი მუშაობით მოსწავლეებს უადვილდებათ ნაკითხული ტექსტის გაზრება, უფითარდებით უნარები სასწავლო საგნების შესაბამისად. თანამშრომლობით კი, ისახება ახალი გზები, მიზნები, ჩნდება იდეები...

ინტერნეტრესურსების და ახალი თაობის კომპიუტერული ტექნოლოგიების გამოყენებამ სწავლების პროცესი უფრო სახალისო და საინტერესო გახადა. მოსწავლეებმა დაინწყეს დამოუკიდებლად მუშაობა, განუვითარდათ ისეთი უნარები, როგორცაა: ინფორმაციის მოძიება, აღქმა, ფანტაზია, ფიქრი, დაკვირვების უნარი. ჩემი მოსწავლეები გახდნენ უფრო თავდაჯერებულნი და მოტივირებულნი.

ვურჩევ კოლეგებს, თამამად გამოიყენონ ინოვაციები სწავლებისას, ოღონდ აუცილებლად გაითვალისწინონ, რომ ეს არის დამხმარე ინსტრუმენტი ტრადიციული სწავლების შესავსებად (და არა ჩანაცვლებად). არ უნდა დაგვავიწყდეს მოსალოდნელი რისკებიც, კერძოდ:

1) რესურსების ჭარბად გამოყენებამ შეიძლება კი არ გზარდოს ინტერესი საგნისადმი, არამედ პირიქით, გამოიწვიოს მოსწავლეების ყურადღების გადატანა სასწავლო ფაქტორზე; აუცილებლად გავითვალისწინოთ, რომ ნებისმიერი მეთოდის, აქტივობის მოდიფიცირება მასწავლებლის ხელოვნებაზე და შემოქმედებითობაზე დამოკიდებულია. მთავარია არ დაგვარგოთ მეთოდის იდეა და გამოიყენოთ მიზანმიმართულად.

2) საინფორმაციო-საკომუნიკაციო ტექნოლოგიების ხშირად გამოყენებამ შესაძლოა ზიანი მიაყენოს ბავშვის ფიზიკურ და გონებრივ განვითარებას. საფრთხის თავიდან აცილებისათვის აუცილებელია შევიმუშაოთ კომპიუტერთან მუშაობის წესები – მოსწავლემ უნდა იცოდეს იმ საშუალებების შესახებ, რასაც ინტერნეტის არასწორი გამოყენება იწვევს, ვაჩვენოთ ამ თემაზე შექმნილი ფილმები, რაც მთავარია, აქტიურად ვითანამშრომლოთ მშობლებთან.

**მაია ყურაშვილი**  
*უფროსი მასწავლებელი, თბილისის №128 საჯარო სკოლა*

გამოყენებული ლიტერატურა:

1. გ. ჩანაძიძე, ვ. სანთარია ინტერნეტ-განათლების ტექნოლოგიები და მისი განვითარების პერსპექტივები. თბილისი, 2004. გვ. 132-136;
2. საგნობრივი სტანდარტი ქართულ ენასა და ლიტერატურაში. ესგ 2011-2016, <http://www.ncac.ge/index.php?m=854>
3. საგნობრივი სტანდარტი ინფორმაციულ და საკომუნიკაციო ტექნოლოგიებში. ესგ 2011-2016, <http://www.ncac.ge/index.php?m=854>

დიფერენსირებული სწავლება –

მოსწავლეზე ორიენტირებული სწავლების ინოვაციური ფორმა

21-ე საუკუნე ახალი გამოწვევების წინაშე აყენებს განათლების სისტემას. სკოლის ამოცანაა უზრუნველყოს სიღრმისეული სწავლება და მაქსიმალურად შეუწყოს ხელი მოსწავლეებში თვითგანვითარებისა და საკუთარ თავზე მუშაობის უნარ-ჩვევების ჩამოყალიბებას. დღეს აქცენტი მოსწავლეზე და შედეგზე ორიენტირებულ სასწავლო პროცესზე კეთდება. თანამედროვე პედაგოგიკის მისიაა, გაზარდოს განათლების დონე სწავლისადმი მოტივაციის ამაღლებითა და მუდმივგანახლებადი საგანმანათლებლო ტექნოლოგიების დანერგვით.

მოგახსენებთ ჩემს მოკრძალებულ მოსაზრებას დიფერენცირებული სწავლების შესახებ. სანამ უშუალოდ საკითხს შევხებოდე, მინდა წავიკითხო ამონარიდი ფრანგი მწერლის, როლან პენაკის წიგნიდან „სკოლის სედა“. მწერლის აზრი მნიშვნელოვანია იმდენად, რამდენადაც, როგორც მისი ბიოგრაფიდანაა ცნობილი, ის იყო ჩამორჩენილი, წარუმატებელი მოსწავლე, შემდეგ კი – წარმატებული მასწავლებელი. აი, რას ამბობს იგი: „ყოველი მოსწავლე თავის ინსტრუმენტზე უკრავს, ასეთია მოცემულობა, აქ ჩვენ ვერაფერს მოვახერხებთ. მთელი ოსტატობა მდგომარეობს მუსიკოსების რაც შეიძლება უკეთ გაცნობაში და მათ შორის ჰარმონიის დამყარებაში. კარგი კლასი პოლაკი კი არ არის, ფუნჯიერეთ რომ გადაადგილდება, არამედ ორკესტრი, რომელიც სიმფონიას უკრავს, და თუ ორკესტრში სამკუთხედიც მოგეძებნება, რომლისგანაც დინგ-დინდის მეტს ვერაფერს მოისმენ, მთავარია შევიდეს, როცა საჭიროა და გაიჟღეროს რაც შეიძლება უკეთ, რომ ის დაემსგავსოს საუკეთესო სამკუთხედს, რომ შეძლოს იამაყოს ორკესტრის საერთო ჟღერაობაში შეტანილი წვლილით“.

რეალობა ასეთია: ჩვენი აღსაზრდელები განსხვავდებიან: ა) მზაობის მიხედვით; ბ) ინტერესების მიხედვით; გ) სასწავლო პროფილის მიხედვით; დ) ბიოლოგიური რიტმით. ამდენად, ისინი განვითარების სხვადასხვა ეტაპზე იმყოფებიან. კლასში გვყავს წარმატებული და წარუმატებლობის შიშით შეპყრობილი, სევდიანი თვალებით მოცქირალი, ზოგჯერ თავმოყვარეობაშეღაზიებული მოსწავლეები, მათთვის საკლასო ოთახი სულისშემზოველ გარემოდ ქცეულა. სწორედ ეს უკანასკნელნი წარმოადგენენ ჩვენი, პედაგოგების საფიქ-

რალს, თავსატეხს.

ლოგიკურად ისმის კითხვა – რაშია გამოსავალი? გამოსავალი ვერ იქნება ტრადიციულ პედაგოგიკაში. მისი პოვნა შეიძლება მხოლოდ პიროვნებაზე და შედეგზე ორიენტირებულ პედაგოგიაში, თავისი ინოვაციური მიდგომებითა და მეთოდებით.

პარალელს გავავლებ მოსწავლეზე ორიენტირებულ სწავლებასა და დიფერენცირებულ სწავლებას შორის. დიფერენცირების სხვადასხვა ფორმები არსებობს – „ბენდინგი“, „სტრუქტურული“, „სეტიინგი“. მე მიმოვიხილავე სეტიინგის ფორმას.

- დიფერენცირება არის სასწავლო პროცესის მორგება მოსწავლეთა საჭიროებებზე;
- დიფერენცირება არის ერთ კლასში განსხვავებული მიღწევების მქონე მოსწავლეთა ჯგუფებიდან განსხვავებული მეთოდებისა და აქტივობის გამოყენება მოსწავლეთა ინდივიდუალურ-ფსიქოლოგიური თავისებურებების გათვალისწინებით.

**რა არის დიფერენცირებული სწავლების მიზანი?**

- მოსწავლის დახმარება თავისი შესაძლებლობებისა და უნარების გამოვლენასა და განვითარებაში;
- მოსწავლისათვის განვითარების ოპტიმალური პირობების შექმნა, რაც ხელს შეუწყობს ესგ-ის სტანდარტების მიღწევას.

**დიფერენცირებული სწავლების ამოცანა**

- სასწავლო პროცესის აგება მოსწავლეთა პიროვნული თავისებურებების, საჭიროებების და ინტერესების მიხედვით;
- სწავლის დაწყება იმ წერტილიდან, სადაც მოსწავლე დროის მოცემულ მომენტში იმყოფება.

აღმოჩნდა, რომ არის ურთიერთინააღმდეგობა სასწავლო ამოცანებსა და მოსწავლის განვითარების დონეს შორის. თუ დავალების დონე ბევრად აღემატება მოსწავლის განვითარების დონეს, მაშინ ის შეუსრულებელი დარჩება ან შესრულება არასრულად. ასეთმა მიდგომამ შეიძლება მოსწავლეს სწავლის მოტივაცია დააკარგინოს, საგნის მიმართ უარყოფითი დამოკიდებულება ჩამოუყალიბოს. თუ დავალება ძალზე მარტივი აღმოჩნდება, მაშინ არ შეუწყობს ხელს მოსწავლის განვითარებას, წინსვლას, რადგან მიზნის მისაღწევად საკმაოდ ენერჯია არ დაუხარჯავს, იმიტომ რომ, დიფერენცირებული

სწავლება ითვალისწინებს: მოსწავლეებს მოვარგოთ და მივაწოდოთ ის, რისთვისაც მზად არიან და რაც სჭირდებათ ამ წუთში, დროის კონკრეტულ მომენტში!

**რას ეფუძნება დიფერენცირება?**

დიფერენცირება ეფუძნება მოსწავლის მზაობას. სწავლების აღნიშნული მეთოდის ეფექტური გამოყენება მთლიანად იმაზეა დამოკიდებული, რამდენად კარგად იცნობს მასწავლებელი თავის მოსწავლეს და რამდენად ითვალისწინებს, გაკვეთილის დაგეგმვისას, თითოეული მოსწავლის ცოდნას, უნარ-ჩვევებს, ფსიქოლოგიურ თავისებურებებს.

დიფერენცირებული მიდგომა ზუსტი დიაგნოსტიკის საფუძველზე უნდა განხორციელდეს. სანამ საქმე ცოდნაში არსებული ხარვეზების გამოსწორების საჭიროებამდე მივა, ჯერ ფსიქოლოგიურ საჭიროებებზეა საფიქრი. მაგალითის მოყვანა: ნოყიერ ნიადაგში ჩაგდებული ჯანსაღი თესლი არ აღმოცენდება, თუ ამინდმა არ შეუწყო ხელი. აქვე მოვიშველიებ დიმიტრი უზნაძის განწყობის თეორიას და მასლოუს პირამიდას და დავძენ, რომ თუ მოსწავლის ფსიქოლოგიური მოთხოვნები არ დაკმაყოფილება, მაშინ საგნის სწავლებაზე დახარჯული შრომა დაემსგავსება საცრით წყლის ზიდვას!

**რა საჭიროებებზეა საუბარი სასწავლო პროცესში?**

- კომპეტენტურობის საჭიროება;
- სოციალური მიკუთვნებულობის საჭიროება;
- ავტონომიურობის საჭიროება.

თუ ეს საჭიროებები ტოტალურად არ კმაყოფილდება, საქმე საგნის საჭიროებამდე ვერ მივა, რადგან დაბალია მოტივაცია, ათვისების ეფექტურობა. სწორედ დასახელებული საჭიროებების დაკმაყოფილებას მოიცავს თავის თავში დიფერენცირებული სწავლება.

რაც შეეხება მზაობის დონის დადგენას – დიაგნოსტიკური ტესტების ანალიზის მიხედვით, კეთდება განმავითარებელი შეფასება და, მოსწავლის ცოდნის, საჭიროებებისა და ფსიქოლოგიური თავისებურებების მიხედვით, იქმნება ჯგუფები და დიფერენცირებულ დავალებათა პაკეტი (პაკეტი იქმნება დიფერენცირების სტრატეგიების გამოყენებით).

კონფერენსია

დიფერენცირების სტრატეგია:

- კონკრეტულიდან აბსტრაქტულამდე;
- მარტივიდან რთულამდე;
- ცალმხრივიდან მრავალმხრივამდე;
- პატარა ნახტომიდან დიდ ნახტომამდე;
- ნელიდან სწრაფამდე;
- ნაკლებად დამოუკიდებლობიდან მეტად დამოუკიდებლობამდე;
- და ა.შ.

დიფერენცირება შეიძლება მოვახდინოთ გაკვეთილის გეგმის სამივე კომპონენტის (შინაარსი, პროცესი, შედეგი) ან მხოლოდ ორის – პროცესისა და შედეგის.

დიფერენცირებული სწავლების დროს დაუშვებელია:

- მოსწავლეთა ჯგუფებისთვის მყარი იარაღის მინებება აქცენტით მათ შესაძლებლობებსა და ნიჭიერებაზე;
- მოსწავლეთა რომელიმე ჯგუფისთვის დისკრიმინაციული (უინტერესო, ნაკლებ გამომწვევი, შეუფერებლად მარტივი) დავალების მიცემა.

ამ საფრთხის თავიდან ასაცილებლად: 1) ჯგუფებში მოსწავლეთა შემადგენლობა მუდმივად უნდა იცვლებოდეს. ისე შევარჩიოთ აქტივობა, რომ უზრუნველყოს ხარვეზის გამოსწორება და ასევე მოსწავლის მზაობის დონის ხარისხის ამაღლება (ნაბიჯის გადადგმა წინ), რათა ცოდნის დონით, დაენიოს მაღალი მზაობის მოსწავლეს; 2) საჭიროა ფოკუსირება მაღალი მზაობის მოსწავლეზე. ზოგჯერ შევუარჩიოთ მას შესაძლებლობის ზედა ზღვართან ახლოს მდგომი დავალება, რომელსაც მასწავლებლის სეფოლდინგის გარეშე ვერ შეასრულებს; 3) მოსწავლეები დაეჯგუფოთ როგორც მზაობის დონის, ასევე ინტერესების მიხედვით. გასათვალისწინებელია, რომ გაკვეთილის მსვლელობისას ჯგუფები, პერიოდულად,

უნდა ერთიანდებოდეს.

რა საჭიროა დიფერენცირება?

- სწავლაში ყველა მოსწავლის დასახმარებლად;
- მოსწავლეთა სასწავლო საგნის მიმართ პოზიტიური დამოკიდებულების შესაქმნელად;
- მზაობის დონის ზრდისთვის (მოსწავლე სწავლობს იმას, რაც სჭირდება);
- მოტივაციის ასამაღლებლად (მოსწავლე მისი მზაობის შესაბამის დავალებას ასრულებს);
- სწავლების ეფექტურობის ამაღლებისთვის (რადგან გაიზრდება მოსწავლეთა შედეგები 95%-მდე);
- სწავლაში მოსწავლეთა დამოუკიდებლობის ასამაღლებლად;
- თითოეულმა მოსწავლემ განიცადოს წარმატების სიხარული გაკვეთილზე.

რამ შეიძლება შეგვიშალოს ხელი მეთოდის დანერგვაში?

- ინტელექტუალური და მატერიალური რესურსების სიმცირე;
- არაპროფესიონალიზმმა (სიღრმისეული სწავლება საჭიროებს სიღრმისეულ ცოდნას არა მარტო საგნის, არამედ ინოვაციური მეთოდების, სწავლების სტრატეგიების და ა.შ.);
- ნარუმბატებლობის შიშში;
- გულგრილობა.

რა მომონს დიფერენცირებული მიდგომით ჩატარებული გაკვეთილის?

- სააკაკვეთილო პროცესში მოსწავლეთა ჩართულობა და მაღალი მოტივაცია;

- მაღალი აკადემიური შედეგი.

რამი მესმარება დიფერენცირებული სწავლება (თავისი განმავითარებელი შეფასებით, დიაგნოსტიკური წერებით)?

- ვაკონტროლო მოსწავლეთა განვითარება;
- შევამოწმო მათი წინსვლა;
- გავარკვიო პრობლემა და ახალი საკითხის ათვისების ხარისხი;
- დროულად აღმოვფხვრა მოსწავლის ცოდნაში არსებული ხარვეზი (რათა მყარ ფუნდამენტზე მოხდეს შემდეგ ახალი ცოდნის დაშენება).

ჩემი დამოკიდებულება დიფერენცირებული სწავლები-სადმი: დიფერენცირებული პრინციპით სწავლება ხელახლა აღმოგვაჩენინებს ჩვენს ალსაზრდებს. ეს არის ინოვაცია, რომელიც ჰარმონიულს გახდის სკოლის ცხოვრებას, მოსწავლისა და მასწავლებლის ურთიერთობას.

დიფერენცირებული სწავლება, კონსტრუქტივისტული ელემენტებითა და განმავითარებელი შეფასებით, უზრუნველყოფს თვითრეალიზებული, კრეატიული, დამოუკიდებელი თაობის აღზრდას, რომელიც მოახერხებს სკოლაში მიღებული ფუნდამენტური ცოდნის ტრანსფერს საჭიროების შესაბამისად.

ნიმუ ანაბული

თბილისის №128 საჯარო სკოლის მასწავლებელი

გამოყენებული ლიტერატურა:

1. დიმიტრი უზნაძე, „განწყობის ფსიქოლოგია“, გამომცემლობა „საქართველოს მაცნე“. 2009წ.;
2. საქართველოს დანყებითი განათლების პროექტის (G-PRIED) ელექტრონული კურსები. www.kargiskola.ge

გამოსდილა

თანამშრომლობითი სწავლება

თანამშრომლობითი სწავლება წარმოადგენს სწავლების ყველაზე თანამედროვე ფორმას, რომელსაც მასწავლებლები სულ უფრო აქტიურად იყენებენ სასწავლო პროცესში. იგი მიმართულია პარტნიორული და ჯგუფური მუშაობისკენ, რომელიც მოითხოვს მონაწილეთა სინქრონულ და ასინქრონულ, კოორდინირებულ და კონსტრუქციულ აქტივობას პრობლემის ერთობლივად გადასაჭრელად და საერთო მიზნის მისაღწევად.

თანამშრომლობითი სწავლების დროს, დამოუკიდებელი და კონკურენტული სწავლებისგან განსხვავებით, მოსწავლეებს უფრო მეტად უნდა უზრუნველყოს ინდივიდუალური და ჯგუფური – პასუხისმგებლობა. ამ დროს თითოეული მათგანი პასუხს აგებს არა მარტო საკუთარ თავსა და კეთილდღეობაზე, არამედ ჯგუფსა და მის წარმატებაზეც.

ამრიგად, თანამშრომლობითი სწავლებისას გამოყოფენ პასუხისმგებლობის ორ დონეს. პირველია ჯგუფური პასუხისმგებლობა, რათა ჯგუფმა მიაღწიოს მიზანს, ხოლო მეორე – ჯგუფის თითოეული წევრის პასუხისმგებლობა, საკუთარი წვლილი შეიტანოს ჯგუფის მუშაობასა და წარმატებაში. სწორედ პასუხისმგებლობის ეს ორი დონე უნდა იყოს ინტეგრირებული თანამშრომლობით გაკვეთილში, თითოეულ მოსწავლეს გაცნობიერებული უნდა ჰქონდეს, რომ მისი წარმატება ჯგუფის წარმატების საინდიკატორია.

თანამშრომლობითი სწავლებისთვის შექმნილი ჯგუფის ერთ-ერთი ამოცანაა, თითოეული წევრი აქციოს მკვეთრად გამოხატულ ინდივიდალ.

*„კვლევებმა გვიჩვენა, რომ თანამშრომლობითი სწავლება უფრო ეფექტურია, ვიდრე კონკურენტული და ინდივიდუალური სწავლება ხოგოხც აჯადემიუხ, ასევე სოციალური კონტექსტში, მიუხედავად საგნისა თუ ჯგუფისა.“*

სკანსაი ჰაბანი

ვინაიდან კომუნიკაციური და თანამშრომლობითი უნარების განვითარება ეფექტიანია სწავლების მნიშვნელოვანი საყრდენი, გაკვეთილმა უნდა უზრუნველყოს მრავალფეროვანი სოციალური ინტერაქცია – საუბრები, დისკუსიები, დებატები და სხვა – და, რაც მთავარია, როგორც დამოუკიდებელი აზროვნების განვითარება, ისე სხვისი ნაზრების გაგების, ანალიზის, შეფასებისა და ერთიანი დასკვნის გამოტანის უნარები.

ორი თავი უკეთ სწავლობს, ვიდრე ერთი – კლასიკური გამოთქმის ეს ვარიანტი მართებულია მოსწავლეების კონტექსტში. თანამშრომლობითი ჯგუფის მუშაობა ეფექტური სას-

წავლო პროცესის მნიშვნელოვანი ნაწილია. თანამშრომლობითი სწავლა უფრო მეტია, ვიდრე მოსწავლეების „ერთად მუშაობა“. ჯგუფური სამუშაოს უპირველესი მიზანია, რომ მოსწავლეები აქტიურად ჩაერთონ სწავლის პროცესში, სადაც განსაზღვრულია საერთო მიზანი. ასეთი დაჯგუფება მოსწავლეებს საშუალებას აძლევს, გააუმჯობესონ თავისი და ერთმანეთის სწავლა.

ბევრი მასწავლებლის, მოსწავლისა და მშობლის მთავარი იმედგაცრუება მდგომარეობს იმაში, რომ თანამშრომლობითი ჯგუფებში, ხშირად, მაღალი მოსწავლის მქონე მოსწავლეები სამუშაოს უმეტეს ნაწილს აკეთებენ. თანამშრომლობითი ჯგუფი რომ ეფექტური იყოს და კარგად დაინერგოს სასწავლო პროცესში, ჯგუფურ სამუშაოში გამოყოფილი უნდა იყოს ნათელი როლური პასუხისმგებლობები, როლები და ინდივიდუალური პასუხისმგებლობები.

სასწავლო პროცესში თანამშრომლობითი ჯგუფები მოსწავლეებს აძლევს შესაძლებლობას, ისწავლონ ერთმანეთისგან და ასწავლონ ერთმანეთს. „1990-იან წლებში, ორგანიზაციების შესწავლისას, გუნდური მუშაობა აღმოჩნდა ყველაზე მეტად დაფასებული მენეჯერული კომპეტენცია მსოფლიოში“ (კოლემანი, 1998). ჩვენ შეგვიძლია მოვაშაბოთ მოსწავლეები თანამედროვე სამუშაოსათვის შესაბამისი რესურსების მიცემით, რაც გულისხმობს ერთად მუშაობას პროდუქტების შესაქმნელად და პრობლემების გადასაწყვეტად.

თანამშრომლობითი სწავლების ინტეგრირება ყველა



რესოდ მიმდინარეობს. ამით ცვდილობ, მოსწავლეებს გავუღვივო საგნისადმი ინტერესი და, ამავდროულად, გავაღრმავო მათი ცოდნა.


საკულისხმოა, რომ სწავლა-სწავლების პროცესში მოსწავლე მეტი თავისუფლება უნდა მიეცეთ, რათა საკუთარ თავში აღმოაჩინოს მრავალმხრივი უნარი და მათი განვითარების საშუალება. ყველა ბავშვი ხომ უნიკალური ინდივიდია. სწავლების თანამედროვე ჰუმანიტური თეორია სწავლების თანამშრომლობაზე დამყარებულ მოდელს გვთავაზობს, სადაც მასწავლებელი პარტნიორია და ეხმარება მოსწავლეს, განსაზღვროს საკუთარი შესაძლებლობები და თავისი საჭიროებების შესაბამისად ისწავლოს.

სწავლების თანამედროვე მიდგომების შესაბამისად, მოსწავლეზე ორიენტირებული გაკვეთილის წარმართვის მიზნით, თანამშრომლობითი სწავლის ტექნიკის გამოყენება მასწავლებლისთვის ერთ-ერთი ეფექტური მეთოდია. ამ მეთოდის გამოყენებით, მას შეუძლია, სასწავლო მიზნის მისაღწევად, დავალება სხვადასხვა ჭრილში შეადგინოს. მოსწავლეს შეიძლება მოეთხოვოს ინფორმაციის მოკვლევა, საკითხის კვლევა, გარემოებების ანალიზი და შედარება, დიაგნოსტიკა, საკითხის გავრცობა, ჰოპოთეზის ჩამოყალიბება, პრიორიტეტების დადგენა, ფაქტების შეჯამება, პრობლემის გადაჭრა, გარემოებების ინტერპრეტაცია, საკითხის კრიტიკა და შეფასება, ინფორმაციის პრაქტიკაში გამოყენება და ა.შ. (Davis, 1993, McKeachie, 1999 in Bill Cerbin, April 23, 2010).

თანამშრომლობითი სწავლების საშუალებით მოსწავლეები არა მარტო ცოდნას ეუფლებიან, არამედ უფრო მეტად სოციალიზაციისა და კომუნიკაციის უნარებიც, რადგან სწორედ სწავლების ეს ფორმა მოითხოვს და უწყობს ხელს მათ უშუალო კომუნიკაციასა და ინტერაქციას. ამ დროს მოსწავლეები იძენენ ისეთ კომუნიკაციურ უნარებს, როგორებიცაა: კითხვის დასმის, აქტიური მოსმენის, თხრობის, მიღებული ინფორმაციის გადამუშავებისა და ადეკვატური საპასუხო რეაქციის დაბრუნების უნარები და სხვ. ასევე ხელს უწყობს სოციალიზაციის უნარების განვითარებას: საკუთარი პოზიციის დაფიქსირებისა და დაცვის, სხვათა აზრებისა და შეხედულებების პატივისცემის, საერთო გამოცდილებიდან გამოცდილების შექმნისა და სხვ.

ჯულიანა ჭიხვილი

სსიპ წყალტუბოს მუნიციპალიტეტის ქვიტირის საჯარო სკოლის გერმანული ენის უფროსი მასწავლებელი



კვადრატული განტოლებების დასახელებად

კვადრატული განტოლებების დასახელებად

თემა: კვადრატული განტოლების ფესვების შედარება ნებისმიერ ნამდვილ რიცხვთან

მიზანი: კვადრატული ფუნქციის თვისებების ანალიზის საფუძველზე, შემოქმედებითი აზროვნების განვითარება და მიღებული შედეგების გამოყენება კვადრატულ განტოლებებთან და უტოლობებთან დაკავშირებული ამოცანების ამოხსნაში.

თემის მოკლე მიმოხილვა: მოცემული სტატია ეხება ნებისმიერი ნამდვილი რიცხვისა და კვადრატული განტოლების ფესვების შედარებას, ანუ რა შემთხვევაშია (იგულისხმება, რომ კვადრატული განტოლების კოეფიციენტები რა პირობებს უნდა აკმაყოფილებდნენ) მოცემული ნამდვილი რიცხვი კვადრატული განტოლების ორივე ფესვზე მეტი, ნაკლები ან მოთავსებულია ფესვებს შორის, რის დასადგენადც გამოიყენებულია კვადრატული ფუნქციის ნიშან-მუდმივობის შუალედები. ამრიგად, დასმული ამოცანა უკავშირდება კვადრატულ ფუნქციას. სტატია იმითაც არის საინტერესო, რომ ნაპოვნი დასმული ამოცანის ამოხსნის ახალი, ორიგინალური მეთოდი. შედეგები განზოგადებულია და შევიძლია გამოვიყენოთ კვადრატულ განტოლებებთან და უტოლობებთან დაკავშირებული სავარჯიშოების ამოხსნაში.

კვადრატული ფუნქციის ნიშანმუდმივობის შუალედები

ჩვენთვის ცნობილია კვადრატული ფუნქციის  $y=ax^2+bx+c$  ნიშანმუდმივობის შუალედები, როცა  $a>0$  და როცა  $a<0$  განვიხილოთ თითოეული შემთხვევა და გავაკეთოთ სათანადო დასკვნები, რაც კვადრატულ ფუნქციას ახლებურად დაგვანახებს.

I შემთხვევა:  $a>0$  (იგულისხმება, რომ  $D>0$ )


როგორც ვიცით, კვადრატული ფუნქციის  $f(x)=ax^2+bx+c$  დადებითობის შუალედია:  $(-\infty; x_1) \cup (x_2; +\infty)$  ეს იმას ნიშნავს, რომ დადებითობის შუალედიდან აღებული ყოველი რიცხვი მეტია ფუნქციის ორივე ნულზე ( $x_1$ -ზე და  $x_2$ -ზე) ან ნაკლებია ორივე ნულზე. მოკლედ შეიძლება ასე ჩავენეროთ:

$f(x)>0 \Leftrightarrow x<x_1 < x_2$  ან  $x>x_2 > x_1$

ასევე, ცნობილია მოცემული კვადრატული ფუნქციის უარყოფითობის შუალედი:  $(x_1; x_2)$ . ეს იმას ნიშნავს, რომ უარყოფითობის შუალედიდან აღებული ყოველი რიცხვი მოთავსებულია ფუნქციის ნულს შორის, ანუ:

$f(x)<0 \Leftrightarrow x_1 < x < x_2$

რასაც გრაფიკული წარმოდგენა უფრო თვალსაჩინოს ხდის:



შევნიშნოთ, რომ მოცემულ შემთხვევაში,  $f(x)<0$  არის აუცილებელი და საკმარისი პირობა იმისა, რომ  $x$  რიცხვი მოთავსებული იყოს ფუნქციის ნულს შორის, მაგრამ  $f(x)>0$  არ არის საკმარისი პირობა იმისა, რომ დავადგინოთ არამედ,  $x$  რიცხვი ფუნქციის ორივე ფესვზე მეტია თუ ნაკლებია, არამედ წარმოადგენს მხოლოდ აუცილებელ პირობას.

ანუ  $f(x)>0$  არ ნიშნავს, რომ  $x>x_2 > x_1$  ისევე, როგორც  $f(x)>0$  უტოლობიდან არ გამომდინარეობს  $x<x_1 < x_2$  შედარება, არამედ მოცემული ორმაგი უტოლობებიდან ერთ-ერთს ვიღებთ.

საჭიროა დამატებითი პირობის მოთხოვნა იმისათვის, რომ დავადგინოთ როდის არის  $x$  რიცხვი ფუნქციის ორივე ფესვზე მეტი ან ნაკლები.

შევნიშნოთ, რომ კვადრატული ფუნქციის გრაფიკის - პარაბოლის წვერის პირველი კოორდინატი  $x_0 = -(b/2a)$  მოთავსებულია ფუნქციის ნულს შუა,  $x_1 < x_0 < x_2$  ამიტომ  $x$  რიცხვი თუ მეტი იქნება ფუნქციის ორივე ნულზე, ის მეტი იქნება  $x_0$ -ზეც, ხოლო თუ  $x$  რიცხვი ნაკლები იქნება ფუნქციის ნულზე, ის ნაკლები იქნება  $x_0$ -ზეც. ე.ი.

$x>x_2 > x_1 \Rightarrow x>x_0$ , ხოლო  $x<x_1 < x_2 \Rightarrow x<x_0$


სამართლიანია პირობითაც, თუ  $x$  აკმაყოფილებს პირობას  $f(x)>0$ , ანუ თუ  $x$  რიცხვი არის დადებითობის შუალედიდან აღებული და ამასთან  $x>x_0$ , მაშინ  $x$  მეტი იქნება ფუნქციის ორივე ნულზე, ხოლო თუ  $x<x_0$  მაშინ  $x$  ნაკლები იქნება ფუნქციის ორივე ნულზე.

ანუ,  $f(x)>0$  და  $x>x_0 \Rightarrow x>x_2 > x_1$

ხოლო  $f(x)>0$  და  $x<x_0 \Rightarrow x<x_1 < x_2$

მართლაც, თუ  $f(x)>0$ , მაშინ  $x>x_2 > x_1$  ან  $x<x_1 < x_2$ , ანუ გვაქვს ორი შემთხვევა, თუ გავითვალისწინებთ იმ ფაქტსაც, რომ  $x>x_0$ , მაშინ გამოვა, რომ  $x>x_2 > x_1$ . წინააღმდეგ შემთხვევაში, თუ დავუშვებთ, რომ  $x<x_1 < x_2$ , ანუ  $x$  რიცხვი თუ ნაკლები აღმოჩნდება ფუნქციის ორივე ნულზე, მაშინ გვექნება,

რომ  $x<x_0$  რაც ეწინააღმდეგება პირობას  $x>x_0$ , ხოლო თუ პირობაში მოვიტხოვთ, რომ  $x<x_0$ , მაშინ  $x<x_1 < x_2$ . წინააღმდეგ შემთხვევაში, თუ დავუშვებთ, რომ  $x>x_2 > x_1$ , მაშინ გვექნება  $x>x_0$ , რაც ეწინააღმდეგება პირობას  $x<x_0$ . გრაფიკული წარმოდგენით ეს უფრო თვალსაჩინოა.



ამრიგად, მივიღეთ შემდეგი შედეგები:

ა) რაიმე  $x$  რიცხვი მეტი რომ იყოს  $f(x)=ax^2+bx+c$  ( $a>0$ ) კვადრატული ფუნქციის ორივე ნულზე აუცილებელი და საკმარისია შესრულდეს შემდეგი პირობები:

$f(x)>0; x>x_0$  და  $D>0$ .

ბ) რაიმე  $x$  რიცხვი ნაკლები რომ იყოს  $f(x)=ax^2+bx+c$  ( $a>0$ ) კვადრატული ფუნქციის ორივე ნულზე აუცილებელი და საკმარისია შესრულდეს შემდეგი პირობები:

$f(x)>0; x<x_0$  და  $D>0$ .

გ) რაიმე  $x$  რიცხვი მოთავსებული რომ იყოს  $f(x)=ax^2+bx+c$  ( $a>0$ ) კვადრატული ფუნქციის ნულს შორის, ანუ ერთ ნულზე - მეტი და მეორეზე - ნაკლები, აუცილებელი და საკმარისია, შესრულდეს შემდეგი პირობები:

$f(x)<0$  და  $D>0$ .

II შემთხვევა:  $a<0$

ანალოგიური მსჯელობით და გრაფიკზე დაკვირვებით, ადვილი გასაკეთებელია შემდეგი დასკვნები:

ა) რაიმე  $x$  რიცხვი მეტი რომ იყოს  $f(x)=ax^2+bx+c$  ( $a<0$ ) კვადრატული ფუნქციის ორივე ნულზე აუცილებელი და საკმარისია შესრულდეს შემდეგი პირობები:


$f(x)<0; x>x_0$  და  $D>0$ .

ბ) რაიმე  $x$  რიცხვი ნაკლები რომ იყოს  $f(x)=ax^2+bx+c$  ( $a<0$ ) კვადრატული ფუნქციის ორივე ნულზე აუცილებელი და საკმარისია შესრულდეს შემდეგი პირობები:

$f(x)<0; x<x_0$  და  $D>0$ .

გ) რაიმე  $x$  რიცხვი მოთავსებული რომ იყოს  $f(x)=ax^2+bx+c$  ( $a<0$ ) კვადრატული ფუნქციის ნულს შორის აუცილებელი და საკმარისია შესრულდეს შემდეგი პირობები:

$f(x)>0$  და  $D>0$ .



ნებისმიერი t ნამდვილი რიცხვისა და კვადრატული განტოლების ფესვების შედარების პირობები

მიღებული შედეგები საშუალებას გვაძლევს დავადგინოთ, რა შემთხვევაშია რაიმე  $t$  რიცხვი  $ax^2+bx+c=0$  კვადრატული განტოლების ორივე ფესვზე მეტი, ნაკლები ან მოთავსებულია ფესვებს შორის, რადგანაც მოცემული კვადრატული განტოლების ფესვები იგივეა, რაც შესაბამისი  $f(x)=ax^2+bx+c$  კვადრატული ფუნქციის ნულები. ამიტომ, ზევით მიღებული შედეგები სამართლიანი იქნება მოცემული კვადრატული განტოლების ფესვებისთვისაც, რომელიც შეიძლება ასე ჩამოვყალიბოთ:

ა)  $t$  რიცხვი მეტი რომ იყოს,  $ax^2+bx+c=0$  კვადრატული განტოლების ორივე ფესვზე აუცილებელი და საკმარისია, შესრულდეს შემდეგი პირობები:

1)  $a>0; b^2-4ac>0; at^2+bt+c>0; t> -(b/2a)$

ან

2)  $a<0; b^2-4ac>0; at^2+bt+c<0; t> -(b/2a)$

ამ ორ შემთხვევაში გვექნება, რომ  $x_1 < x_2 < t$ .

ბ)  $t$  რიცხვი ნაკლები რომ იყოს  $ax^2+bx+c=0$  კვადრატული განტოლების ორივე ფესვზე აუცილებელი და საკმარისია შესრულდეს შემდეგი პირობები:

1)  $a>0; b^2-4ac>0; at^2+bt+c>0; t< -(b/2a)$

ან

2)  $a<0; b^2-4ac>0; at^2+bt+c<0; t< -(b/2a)$

ამ ორ შემთხვევაში გვექნება, რომ  $x_2 > x_1 > t$ .

გ)  $t$  რიცხვი მოთავსებული რომ იყოს,  $ax^2+bx+c=0$  კვადრატული განტოლების ფესვებს შორის, აუცილებელი და საკმარისია შესრულდეს შემდეგი პირობები:

1)  $a>0; b^2-4ac>0; at^2+bt+c<0$

ან

2)  $a<0; b^2-4ac>0; at^2+bt+c>0$

ამ ორ შემთხვევაში გვექნება, რომ  $x_1 < t < x_2$ .

თუ გავითვალისწინებთ იმ ფაქტს, რომ  $ax^2+bx+c=0$  კვადრატული განტოლების ფესვები იგივეა, რაც მისი ტოლფასი  $x^2+(b/a)x+(c/a)=0$  განტოლების ფესვები, მაშინ მიღებული შედეგები მოკლედ შეიძლება ასე ჩამოვყალიბოთ:

ა)  $x_1 < x_2 < t \Leftrightarrow g(t)>0; t>x_0; D>0$

ბ)  $x_2 > x_1 > t \Leftrightarrow g(t)>0; t<x_0; D>0$

გ)  $x_1 < t < x_2 \Leftrightarrow g(t)<0; D>0$

სადაც,  $g(x)=x^2+(b/a)x+(c/a); x_0 = -(b/2a)$

შევნიშნოთ, რომ თუ  $t=0$ , მაშინ მივიღებთ კვადრატული განტოლების ფესვების ნიშნების დადგენის პირობებს. მართლაც:

ა) ორივე ფესვი არის უარყოფითი, ანუ  $x_1 < x_2 < 0$ , როცა:

$g(0)>0; 0 > -(b/2a) D>0$  საიდანაც,  $(c/a)>0; -(b/a)<0; D>0$

ბ) ორივე ფესვი არის დადებითი, როცა:

$g(0)>0; 0 < -(b/2a); D>0$ , ანუ  $(c/a)>0; -(b/a)>0; D>0$

გ) ფესვები არის სხვადასხვა ნიშნის, როცა:

$g(0)<0; D>0$ , რაც იგივეა  $(c/a)<0; D>0$

მიღებული შედეგები გამომდინარეობდა ვიეტის თეორემიდანაც, ჩვენ კი მოვხავეთ ვიეტის თეორემის განზოგადება და კვადრატული განტოლების ფესვები შევადარეთ ნებისმიერ  $t$  რიცხვს.

მიღებული შედეგები შევიძლია გამოვიყენოთ კვადრატულ განტოლებებთან და უტოლობებთან დაკავშირებული სავარჯიშოების ამოხსნაში:

სამარჯიშო 1.

ვიპოვოთ  $m$ -ის მნიშვნელობათა სიმრავლე, რომლისთვისაც  $x^2+mx+9=0$

განტოლების ორივე ფესვი ნაკლები იქნება 5-ზე ( $x_1 < x_2 < 5$ ).

ამოხსნა: დასმული ამოცანის მოთხოვნა რომ შესრულდეს, საჭიროა (აუცილებელი და საკმარისია) შესრულდეს შემდეგი პირობები:

1)  $D>0;$  2)  $g(5)>0;$  3)  $x_0 < 5$ .

1)  $D=m^2-36 \Rightarrow m^2-36>0 \Leftrightarrow m>6$  ან  $m<-6$ .

2)  $f(5)=5^2+5m+9=5m+34 \Rightarrow 5m+34>0 \Leftrightarrow m>-6,8$ .

3)  $x_0 = -(m/2) \Rightarrow -(m/2)<5 \Leftrightarrow m>-10$ .

საიდანაც ვიღებთ საბოლოო პასუხს:  $m \in (-6,8; -6) \cup (6; +\infty)$ .

სამარჯიშო 2.

ვიპოვოთ  $m$ -ის ყველა მნიშვნელობა, რომლისთვისაც  $x^2-(2m-1)x+m^2=0$

განტოლების ერთი ფესვი ნაკლები იქნება 2-ზე, ხოლო მეორე - მეტი.

$(x_1 < 2 < x_2)$

ამოხსნა: ამოცანის ამოხსნისთვის აუცილებელი და საკმარისია შესრულდეს შემდეგი პირობები:

1)  $D>0;$  2)  $g(2)<0$

1)  $D=(2m-1)^2-4m^2=4m^2-4m+1-4m^2=-4m+1 \Rightarrow -4m+1>0 \Leftrightarrow m<1/4$ .

2)  $g(2)=2^2-(2m-1)2+m^2=m^2-4m+6 \Rightarrow m^2-4m+6<0 \Leftrightarrow 2-2\sqrt{2}<m<2+2\sqrt{2}$

საიდანაც ვიღებთ საბოლოო პასუხს  $(2-2\sqrt{2}; 1/4)$

სამარჯიშო 3. ვიპოვოთ  $k$ -ს ყველა ის მნიშვნელობა,

რომლისთვისაც  $x^2-kx+2=0$

განტოლების ფესვები მოთავსებულია  $(0;3)$  შუალედში.

მითითება: მოცემული ამოცანის ამოხსნა ნიშნავს იმას, რომ  $(0;3)$  შუალედმა უნდა მოიცავს  $[x_1, x_2]$  სეგმენტს, ანუ უნდა ვიპოვოთ ისეთი  $k$ , რომ განტოლების ფესვები -  $x_1$  და  $x_2$  მეტი იყოს 0-ზე და ნაკლები 3-ზე ( $0 < x_1 < x_2 < 3$ ).

სამარჯიშო 4. ვიპოვოთ  $k$ -ს ყველა ის მნიშვნელობა, რომლისთვისაც  $x^2+kx+k^2+6k<0$

უტოლობა სრულდება ნებისმიერი  $x \in (1; 2)$  შუალედისთვის.

მითითება: მოცემული ამოცანის ამოხსნა ნიშნავს იმას, რომ  $(x_1, x_2)$  ინტერვალმა უნდა მოიცავს  $(1;2)$  ინტერვალს, ანუ უნდა ვიპოვოთ ისეთი  $k$ , რომ განტოლების ფესვებმა დააკმაყოფილონ შემდეგი უტოლობა  $x_1 \leq 1 < 2 \leq x_2$ .

სამარჯიშო 5. ვიპოვოთ  $k$ -ს ყველა მნიშვნელობა, რომლისთვისაც  $x^2-(3k+1)x+k>0$ .

უტოლობა სრულდება ყველა  $x>1$ -სთვის.

მითითება: იმისათვის, რომ შესრულდეს ამოცანაში მოცემული მოთხოვნა, აუცილებელი და საკმარისია, განტოლების ორივე ფესვი ნაკლები იყოს 1-ზე:  $x_1 < x_2 < 1$   $D<0$ .

ანალოგიურად შეიძლება ამოხსნას კვადრატულ განტოლებებთან და უტოლობებთან დაკავშირებული სხვა სავარჯიშოებიც.

იოსებ ნონიკაშვილი

ამბროლაურის რაიონის სოფელ ლიხეთის საჯარო სკოლის მათემატიკის მეთაური, პროგრამა „სწავლე საქართველოსთვის“ მონაწილე

გამოსვლითაა

როგორ ვასწავლი სინტაქსური ურთიერთობის სახეებს მეშვიდე კლასში

ქართული ენის სწავლებისას ხშირად მასწავლებლები და მოსწავლეები ვაწყდებით ამა თუ იმ პრობლემას. ეს მრავალ საკითხს ეხება, მაგალითად, ზმნის გვარის სწავლებას, თემისა და თემის ნიშნების სწავლებას, სინტაქსური ურთიერთობის სახეების სწავლებასა და მრავალ სხვას. მე მინდა ყურადღება ამ უკანასკნელზე გავამახვილო.

ყველასათვის ცნობილია, რომ სინტაქსური ურთიერთობის სახეები ისწავლება მე-8 კლასში, სანამ მოსწავლეები წინადადების წევრებს შეისწავლიან. არა და მათ ჯერ მხოლოდ მეტყველების ნაწილები იციან. ჩემი აზრით, უმჯობესი იქნება, ეს საკითხი მაშინ შევიდეს პროგრამაში, როცა მარტივი წინადადების შესწავლა დამთავრდება და ბავშვებს უკვე ეცოდინებათ შემასმენლისა და ქვემდებარის ურთიერთობა რიცხვში, ასევე ეცოდინებათ წინადადების ის წევრები, რომლებიც სახელზმნით არის გადმოცემული. აუცილებელია, უკვე ნასწავლი ჰქონდეთ უბრალო დამატება, აი, მაშინ უფრო კარგად გაიგებენ შეთანხმების, მართვისა და მირთვის არსს. მაგრამ, რადგან პროგრამა ამას არ ითვალისწინებს, ვცდილობ, მე-7 კლასიდან, თანდათან მოვამზადო მოსწავლეები ამ მნიშვნელოვანი საკითხის შესასწავლად.

როცა ზმნასა და მის პირს ვასწავლი, მაშინვე ვამახვილებ ყურადღებას ზმნისა და მის პირთან შეწყობილი სახელების ურთიერთობაზე. მაგალითად, ავიღოთ ასეთი წინადადება: „მზემ ფანჯარას სხივი სტყორცნა“. რადგანაც მოსწავლეებმა უკვე იციან, რომელია ზმნა, ამოიწერენ მას და შეუწყობენ პირებს: სტყორცნა მან, მას, ის. შემდეგ ასახელებენ, რომელია აქედან სუბიექტი და ობიექტები (აღსანიშნავია, რომ მათ უკვე იციან პირისა და რიცხვის ნიშნები ზმნაში, ასევე სუბიექტისა და ობიექტის ბრუნვები). შემდეგ დავანწყობებინებ ზმნასა და სუბიექტისა და ობიექტის ფარდ სიტყვებს:

- მზემ სტყორცნა;
  - სხივი სტყორცნა;
  - ფანჯარას სტყორცნა.
- შემდეგ ბავშვებს კითხვების საშუალებით ვეხმარები, გარკვეონ ურთიერთობა წყვილებს შორის, მაგალითად:
- რომელ დროშია ზმნა?
  - რომელ ბრუნვაშია სუბიექტური პირი?
  - რომელ რიცხვშია ზმნა?
  - რომელ რიცხვშია სუბიექტური პირი?
- ზმნას რომ დრო შეუცვალაო, როგორ შეიცვლის ბრუნვას სუბიექტი, ანუ რამ იქონია სუბიექტის ბრუნვაზე გავლენა? შეკითხვას ბავშვები სწორად პასუხობენ, რომ ზმნაზე და მის დროზე დამოკიდებული სუბიექტის ბრუნვა და მიდიან იმ დასკვნამდე, რომ ზმნა მართავს სუბიექტს ბრუნვაში. შემდეგ ვუსვამ კითხვას, სუბიექტი რომ მრავლობითში იყოს, მაგალითად, მზის მაგივრად ბავშვები (რადგან მზეს მრავლობითი რიცხვი არ ეწარმოება) რომ იყოს, რომელ რიცხვში იქნება ზმნა? მოსწავლეები ამასაც ადვილად პასუხობენ და ასკვნიან, რომ სუბიექტის რიცხვზე დამოკიდებული ზმნის რიცხვი, სუბიექტი ითანხმებს ზმნას რიცხვში. ამის შემდეგ ვეკითხები: რომელი პირის ფორმაა სუბიექტი და რით არის ის გამოხატული ზმნაში? რადგან მათ პირის ნიშნები უკვე იციან, არ უჭირთ პასუხის გაცემა და მივდივართ იმ დასკვნამდე, რომ სუბიექტი მართავს ზმნას პირში. ამისათვის ვასახელებთ რამდენიმე ზმნას სხვადასხვა პირსა და რიცხვში და ვამტკიცებთ უკვე შეძენილ ცოდნას, რომ სუბიექტი და ზმნა ერთნაირად ერთმანეთს რიცხვში და ერთმანეთს მართვენ ბრუნვასა და პირში (თუმცა იმას, რომ მნიშვნელობა აქვს რიცხვში შეთანხმებას სუბიექტი სულიერი სახელით

არის გადმოცემული თუ უსულიოთი, შემდეგ კლასში ისწავლიან). ამ საკითხზე ბავშვებს ვავარჯიშებ დაფასთან და დამოუკიდებლადაც, მხოლოდ შემდეგ გადავდივარ ზმნისა და ობიექტების ურთიერთობაზე. ბავშვები უმალ პასუხობენ დასმულ კითხვებს და თვითონ მიდიან იმ დასკვნამდე, რომ პირდაპირი ობიექტური პირი იმართება ზმნისგან ბრუნვაში, ხოლო ზმნას ვერ ითანხმებს რიცხვში. ბოლოს, ვთხოვ მათ, გაარკვიონ ურთიერთობა ირიბ ობიექტურ პირთან, ჩემი დახმარების გარეშე და სულ ადვილად ხვდებიან, რომ ირიბი ობიექტური პირი იძულებულია, იყოს სულ მიცემით ბრუნვაში, მაგრამ ორივე ობიექტური პირი მართავს ზმნას პირში, რადგან აიძულებენ, რომ ისინი გამოხატულნი იყვნენ პირის ნიშნებით, ანუ მართონ ზმნა (ობიექტური პირი რომ ითანხმებს ხანდახან ზმნას მრავლობითი რიცხვში, ამას შემდეგ კლასში ისწავლიან).

ჩემი პედაგოგიური პრაქტიკიდან გამომდინარე, შემიძლია ვთქვა, რომ ამ მეთოდით ნამდვილად უადვილდებათ ჩემს მოსწავლეებს შემდეგ კლასში სინტაქსური ურთიერთობის სახეების შესწავლა.

თამარ ჩხაიძე

ვლადიმერ კომაროვის თბილისის ფიზიკა-მათემატიკის 199-ე საჯარო სკოლის ქართული ენისა და ლიტერატურის მასწავლებელი

გამოყენებული ლიტერატურა:

1. აკაკი შანიძე – ქართული ენის გრამატიკის საფუძვლები; რედაქტორი – ი. იმნაიშვილი, თბილისის სახელმწიფო უნივერსიტეტი, ტომი პირველი, მორფოლოგია;
2. ვახტანგ როდონია, ავთანდილ არაბული – ქართული ენა და ლიტერატურა, 2012.

სკოლაში

სასკოლო ოლიმპიადა ფინიშს მიუახლოვდა

სასკოლო სპორტული ოლიმპიადა თანდათან გადის ფინიშის სწორზე – უკვე დაიწყო ბოლოსწინა ეტაპი, ზონალური შეჯიბრებები დასავლეთისა და აღმოსავლეთის ზონებში, თუმცა, ზოგიერთ სახეობაში ჯერ ისევ გრძელდება რეგიონული შეჯიბრებები. ასეთი სახეობები უკვე ერთეულდება და იქაც დღე-დღეზე გამოვლინდებიან ზონალური ტურნირების მონაწილენი.

13 მაისს დაიწყო პირველი ფინალური თამაშები. დასავლეთში, ქუთაისის ნიკო ნიკოლაძის სახელობის სკოლა-ლიცეუმში ფრენბურთელთა ტურნირის მონაწილე გოგონები შეიკრიბნენ, მეორე დღეს იქვე ბიჭების შეჯიბრებაც გაიმართა. ტურნირში მონაწილეობდნენ დასავლეთ საქართველოს რეგიონულ შეჯიბრებებში გამარჯვებულები იმერეთის, გურიის, სამეგრელო-ზემო სვანეთის, რაჭა-ლეჩხუმი-ქვემო სვანეთის, აჭარისა და აფხაზეთის რეგიონებიდან. ქუთაისელთა გასახარად, პირველ დღეს, გოგონების შეჯიბრებაში იქაურებმა გაიმარჯვეს – 22-ე საჯარო სკოლის გუნდმა ყველას აჯობა და ფინალური ეტაპის საგზური მოიპოვა, რომელიც ივნისში ქუთაისშივე გაიმართება.

ბიჭებში ანალოგიური საგზური, მეორე დღეს, წყალტუბოს ზონის სოფელ მალლაკის სკოლის გუნდმა დაისაკუთრა, რითაც შარშანდელი წარმატება გაიმეორა.

აღმოსავლეთის ზონაში ფინალური შეჯიბრება ბადმინტონში ჩატარდა, რომელსაც თბილისის სამედიცინო უნივერსიტეტის სპორტულმა დარბაზმა უმასპინძლა. იქ გოგონებისა და ბიჭების ტურნირი ერთ დღეს, 13 მაისს ჩატარდა, მონაწილენი კი კახეთის, თბილისის, შიდა ქართლის, სამცხე-ჯავახეთის და მცხეთა-მთიანეთის რეგიონების გამარჯვებულები იყვნენ. გოგონებშიც და ბიჭებშიც ყველაზე ძლიერები თელაველები გამოდგნენ – პირველთა შორის მე-4 საჯარო სკოლის, ხოლო მეორე კატეგორიაში მე-5 სკოლის გუნდებმა იმარჯვეს, რომლებმაც გაიანადღეს ფინალურ ეტაპზე მონაწილეობა.

დასრულდა აღმოსავლეთის ზონალური გათამაშება მაგდის ჩოგბურთში, რომელსაც 15 მაისს თბილისის სპორტკომპლექსმა „არენა-1“ უმასპინძლა. იქ თბილისის, კახეთის, მცხეთა-მთიანეთის, სამცხე-ჯავახეთის, შიდა და ქვემო ქართლის რეგიონების ჩემპიონი გოგონები და ბიჭები შეიკრიბნენ. დედაქალაქელებმა იმარჯვეს – ბიჭებში საუკეთესო 199-ე სკოლის გუნდი აღმოჩნდა, გოგონებში – 90-ე-სი. ივნისში, ფინალურ ეტაპზე, ისინიც ითამაშებენ ქუთაისში, საქართველოს ჩემპიონის ტიტულის მოსაპოვებლად.

ტურნირი ნაუბებლად ჩაატარეს

თბილისმა ევროპის ჩემპიონატის საკვალიფიკაციო ეტაპს უმასპინძლა 17-წლამდელ წყალბურთელთა შორის, სადაც დიდი წარმატებით გამოვიდა საქართველოს ნაკრები, რომელმაც ტურნირი ნაუბებლად ჩაატარა, ყველა მეტოქე დაამარცხა და ფინალური ეტაპის საგზური არავის დაუთმო. ჩვენს ნაკრებს სათავეში ახლო წარსულის ცნობილი თერსკველავები უდგანან, რომლებმაც ნამდვილად დაატყვევეს ხელი გუნდს: მთავარი მწვრთნელი მსოფლიო წყალბურთის თანამედროვე ლეგენდა, ევროპისა და მსოფლიოს ჩემპიონი რუსე-

თის სახელით, ოლიმპიადის პრიზიორი რევაზ ჩომახიძე, მას კი ცნობილი მეკარე გელა ტუყევაძე ეხმარება.

ჩვენს ნაკრებს შედარებით გაუჭირდა ფრანგებთან, რომლებმაც მეორე საგზური დაისაკუთრეს. თუმცა გაჭირვება პირობითად ითქმის, რადგან დიდი ანგარიშით მხოლოდ მათ ვერ მოუგეს, თორემ წარმატება არ გასჭირვებიათ, მთელი შეხვედრა ინიციატივას ფლობდნენ და 7:1 იმარჯვეს. საწყლოსნო სპორტკომპლექს „ოლიმპიკში“ გამართულ სხვა შეხვედრებში ჩვენებმა უფრო დიდი ანგარიშით იმძლავრეს, თუმცა განსაკუთრებით კვიპროსელები დაჩაგრეს – 26:4 მოუგეს კუნძულებს, შვეიცარიას და ჩეხეთს კი ერთნაირი ანგარიშით, 10:3 სძლიეს.

ფინალურ ეტაპს, სექტემბერში, მალტა უმასპინძლებს, სადაც ევროპის 16 საუკეთესო გუნდი ითამაშებს. იმედია, ჩვენები იქაც წარმატებით ითამაშებენ, ქართულ წყალბურთს საიმედო რეზერვი რომ ეზრდება, ეს უკვე ფაქტია.

პარამოფარიაკავს ორმაგი წარმატება

ქართველმა პარამოფარიაკავმა ნინა თბილაშვილმა წარმატებით იხმალავა ჰოლანდიურ სტადსკანალში გამართულ პარამოფარიაკავეთა მსოფლიოს თასზე, სადაც რაპირით ასპარეზობაში ოქროს მედალი მოიპოვა და მსოფლიო თასის გამარჯვებული გახდა, ხოლო დაშნით ბრინჯაო მოინადგა. რაპირაში მან წინასწარ ეტაპზე 5 შეხვედრიდან 4 მოიგო და პლეი ოფში გავიდა, სადაც პოლონელი და თურქი მეტოქეები, შესაბამისად, 15:11 და 15:12 დაამარცხა, ფინალში კი ფრანგ კონკურენტს, ასევე, 15:12 მოუგო და კარიერაში უდიდეს წარმატებას მიაღწია.

ამ დღეებში თბილაშვილი ევროპის ჩემპიონ ირმა ხეცურიანთან ერთად იმავე ტურნირზე უფროსთა შორისაც გამოდის. მისასალმებელია, რომ საქართველოში პარასპორტს დიდი ყურადღება ექცევა და შედეგებიც არის: ძიუდოში პარაოლიმპიადის ჩემპიონიც გვეყავს, ზვიად გოგოჭური (90). ასევე მისასალმებელია საკუთრივ ფარიაკავის ბოლოდროინდელი დიდი წარმატებებიც, როგორც პარაოლიმპიურ, ასევე – კლასიკურ დისციპლინაში, სადაც 23-წლამდელთა ნაკრები ხმლით ფარიაკავაში, აპრილში, ევროპის ჩემპიონიც გახდა.

ახალი ტიპის კლუბი მსირენლოვანებისთვის

თბილისში, უნივერსიტეტის ქუჩაზე, გაიხსნა ახალი საბავშვო სპორტული კლუბი – „Kids arena“. ესაა „ბავშვთა გამაჯანსაღებელი ევროპული ცენტრი“, სადაც მიიღებენ 3-დან 12 წლამდე ასაკის პატარებს. ისინი კლუბში გამოცდილი მწვრთნელ-ინსტრუქტორების დახმარებით ივარჯიშებენ და, სურვილის შემთხვევაში, ცურვისა თუ სხვა ჯგუფებშიც მოემზადებიან.

საქართველოსთვის ეს ახალი ტიპის კლუბი (მსოფლიოში უკვე კარგა ხნის აპრობირებული) ძალიან საჭიროა, რადგან ფიზიკური აღზრდა, სწორი მიმართულება ამ კუთხით და, ზოგადად, ცხოვრების ჯანსაღი წესი უფროსებშიც ხომ დიდი პრობლემაა, მით უფრო აქტიუალურია სკოლებში და განსაკუთრებით – საბავშვო ბაღებში. ავად თუ კარგად, სკოლებში სპორტის გაკვეთილები მაინც ტარდება. უმალეს სასწავლებლებშიც რაღაც მინიმალური კეთდება ამ კუთხით, საბავშვო ბაღები კი საერთოდ მიშვე-



ბულია. არადა, ადამიანის ჯანმრთელობისთვის პირველი ნაბიჯი სწორედ ბალის ასაკიდან უნდა გადაიდგას და ამაში ძალიან დიდი როლი ფიზიკურ აღზრდას, ვარჯიშსა და ცხოვრების ჯანსაღ წესს აკისრია.

შეიძლება ითქვას, ახალი კლუბის მამოძრავებელი ღერძი რეკრეაციული ტანვარჯიშია, ამოცანა კი – შეიქმნას უსაფრთხო და საინტერესო გარემო ფიზიკური განვითარებისა და განათობისთვის. იქ ყველა ვარჯიში გასართობი ხასიათისაა, რათა კლუბში გატარებული დრო პატარებისთვის რუტინად არ იქცეს. პირიქით – სახალისო იყოს, რომ თავადაც სიამოვნებით ჩაებან ვარჯიშებში, ისწავლონ სწორად ვარჯიში და ფიზიკური წართობა ცხოვრების წესად ექცეთ. გამოცდილი ინსტრუქტორთა დახმარებით ისინი სწავლობენ როგორც გამაჯანსაღებელ ვარჯიშებს, ასევე – ისეთ ილეთებს, რაც ხელს უწყობს სხეულის ელასტიურობის განვითარებას, კოორდინაციას და სხვა აუცილებელ თვისებებს, ბავშვებს მომავალში აუცილებლად რომ გამოადგებათ ცხოვრებაში.

საინტერესოა, რომ კლუბში, ადგილობრივ ბავშვებთან ერთად, უკვე დადიან საქართველოში მცხოვრებ უცხოელთა შვილებიც. კლუბის ყველაზე პატარა წევრი 3 წლის მარიამ ხეჩიკაშვილია – სპორტისა და ახალგაზრდობის საქმეთა მინისტრის, ტარნიელ ხეჩიკაშვილის შვილი. კლუბის გახსნას მინისტრიც დაეხმარა, კლუბის სახე კი ცნობილი ძალოსანი, მსოფლიოს აბსოლუტური რეკორდსმენი, ოლიმპიური, მსოფლიოსა და ევროპის ჩემპიონი ლაშა ტალახაძე გახდა. მან გახსნის ცერემონიაზე განაცხადა: „მინდა, წარმატება ვუსურვო ამ საინტერესო პროექტის წამომწყებებს. ბავშვები უნდა ვითარდებოდნენ და ბედნიერი ვიქნები, ამ საქმეში ჩემს წვლილსაც თუ შევიტან“.

რუბრიკა მოამზადა ირაპლი თაყაიძემ

მასწავლებლის სამუშაო რეჟიმი



მასწავლებლის სამუშაო რეჟიმი ვორტფოლიოს განუყოფელი ნაწილია. რეჟიმის სტრუქტურა საშუალებას აძლევს მასწავლებელს: 1. საჭიროებისამებრ შეავსოს გაკვეთილის დაგეგმვის სქემების მოკლე ან სრული ვარიანტები; 2. გაეცნოს გაკვეთილის დაგეგმვის რეკომენდაციებს; 3. გაეცნოს გაკვეთილის მოკლედ და დეტალურად დაგეგმვის ნიმუშებს. 4 ლარი

ინოვაციური გაკვეთილები დაწყებით კლასებში



ნიგეში თავმოყრილია დაწყებითი კლასებისთვის აქტუალური სწავლების მეთოდების გამოყენებით შექმნილი გაკვეთილის სცენარები ქართულში, მათემატიკაში და ბუნებაში. სახელმძღვანელო დახმარება მასწავლებელს მოსწავლეებს განუვითაროს: წიგნიერების, მედიაწიგნიერების, მათემატიკური წიგნიერებისა და კვლევითი უნარები, კრიტიკული და შემოქმედებითი აზროვნება. 6.50 ლარი

კათედრის გაგების პორტფოლიო



კათედრის გაგების პორტფოლიო საშუალებას აძლევს კათედრის გაგებას აღრიცხოს, გააფორმოს, აღწეროს ეროვნული სასწავლო გაგებით განსაზღვრული საკმინოები. შესავსები სქემების, ცხრილებისა და კათედრის სხდომის ოქმების გარდა, პორტფოლიო შეიცავს მეთოდურ რეკომენდაციებს, რაც დახმარებას აძლევს კათედრის ხელმძღვანელს პორტფოლიოს წარმოებაში და მისი საკმინოების განხორციელებაში. 6 ლარი

ინტერაქტიური მეთოდების კრებული



კრებული ალფერულია ინტერაქტიური სწავლების მეთოდები; მოცემულია თითოეული მეთოდის გამოყენების უბრალოდ აღწერა; განხილულია, რა უნარებს ავითარებს თითოეული მეთოდი; დასახელებულია თითოეული მეთოდის გამოყენების წინაპირობა. კრებული თავმოყრილია 50-მდე მეთოდის აღწერას. 6 ლარი

მასწავლებლის კალენდარი



კალენდარის იხსნა შედგენილი, რომ მასწავლებელს მთელი წლის განმავლობაში შეუძლია დაგეგმოს და ჩაინიშნოს მისთვის საჭირო და სასურველი აქტივობები და ინფორმაცია. კალენდარი ყოველკვირულად აწვდის მასწავლებელს მისთვის მნიშვნელოვან პრაქტიკულ, ვედატორიულ რჩევებს თუ საჭირო ინფორმაციას. კალენდარს ახლავს შესავსები გაკვეთილების ცხრილი, მნიშვნელოვანი აქტივობების რეაქტივი და თავისუფალი ფურცლები, რათა მასწავლებელს ყველა საჭირო ინფორმაცია ერთად ჰქონდეს განთავსებული. 5.50 ლარი

ცნობარი დაწყებითი კლასების ვედატორებისათვის



ცნობარი დაწყებითი კლასების ვედატორებისათვის მოგვამდებ დაწყებითი კლასების მასწავლებლების საჭიროების გათვალისწინებით. მონაცემს: საგნობრივ, თეორიულ მასალას; ცოდნის შესამოწმებელ ტესტებს, რაც საგნობრივი გამოცდისთვის მომზადებაში დახმარებას. 14 ლარი


წიგნი I კვილი ქართული მწერლობა
წიგნი II „ვეფხისტყაოსანი“
წიგნი III XIX საუკუნის მწერლობა
წიგნი IV XX საუკუნის მწერლობა
თითო ტომის ფასი - 13 ლარი

მოკვანდით საბავშვო გამოცდებისთვის
კრებულში შესულია პროგრამით გათვალისწინებული თეორიული მასალა და ტესტები.
გადსაფხევი ფენის ქვეშ მოთავსებულია უნიკალური კოდი. ეს კოდი შეიყვანეთ სპეციალურ აპლიკაციაში, რომელიც განთავსებულია გამომცემლობის ოფიციალურ ვებგვერდზე
fb.com/bakursulakauripublishing
ერთი კოდის გამოყენება შეუძლია მხოლოდ ერთ მომხმარებელს. ელექტრონული ტესტები შეიძლება ჩააბაროთ როგორც თემების მიხედვით, ასევე შერეულად.
თითო კრებულის ფასი - 10.90 ლ

ქართული ენის კრებულები
ეროვნული სასწავლო გაგებით გათვალისწინებული ბრამატიკის თეორიული კურსი და საგარეო გამოცდები.
სერიის ფასი - 17.70 ლ
ნაშრომი და მოგონილი აზრები
სერია „ნაშრომი და მოგონილი აზრები“ შექმნილია I-VI კლასების მოსწავლეებისათვის, „კითხვის საათის“ სპეციალური გათვალისწინებით.
სერიის ფასი - 32.40 ლ



თამაზ ვასაძე კომენტარული ტექსტი და ანალიტიკური გზამკვლევი 12 ლარი




ფიზიკა საატანტატო გამოცდისთვის ქ. ტატიშვილი, ზ. ხარაძე 10 ლარი



ქართული ენის ბრამატიკა სინტაქსი (სასკოლო კურსი) 6. შარაშენიძე 7 ლარი



ქართული ენის ბრამატიკა მორფოლოგია (სასკოლო კურსი) 6. შარაშენიძე 8 ლარი




თამაგური ენციკლოპედია „რა არის რა“
❖ ძიობა
❖ მცენარეობა
❖ ხალხთა დიდი გადასახლება
❖ კრიმინალისტიკა
❖ არქიტექტურა
❖ ევროპა
❖ უკვლესი ადამიანი
❖ მემკვიდრეობა
❖ ჯანსაღი კვება
❖ ამინდი
❖ ოლიმპიური თამაგები



თამაგური ენციკლოპედია ქართული ენის სასკოლო განმარტებითი ლექსიკონი (ორტომეული) 10 ლარი



თამაგური ენციკლოპედია ქართული აბოგრაფიული პროზა ლიტერატურის შემსწავლელთათვის 4 ლარი



ბიოლოგია (II ნაწილი) ეროვნული გამოცდისთვის ლ. ბურღლიძე, გ. სინარულიძე, ქ. მალბაძე, დ. ნაზირიშვილი 10 ლარი



ისტორია საატანტატო გამოცდისთვის 9 ლარი

ხელმოწერის თანხა გადმოირიცხეთ რაქვიზიტებზე:
მიმღები - შპს „ახალი განათლება“, ს/კ 202058735, ა/ა GE93LB0113314052305000, ს/ს „ლიბერთი ბანკი“, ბ/კ LBRTGE22
ფიზიკურად პირებმა, თანხის გადმოირიცხვისას, მიუთითეთ პირადი ნომერი. შექმნის მსურველები დაგვიკავშირდით: 599880073, 0322958023

ახალი განათლება
მთავარი რედაქტორი: მარიკა ჩიქოვანი

მისამართი: 0102 თბილისი, ტაბულაშვილის ქ. №3
ტელ.: 032 295 80 23, 599 880073
www.axaligantleba.ge axaligantleba@gmail.com
რედაქციის საბანკო რაქვიზიტები: შპს „ახალი განათლება“ ს/კ 202058735
ა/ა GE86EG000000123631000GEL, ს.ს. „საქართველო ბანკი“ ბ/კ BAGAGE22,
რედაქციაში შემოსული ხელნაწერები არ რეცენზირდება და ავტორებს არ უბრუნდება.

ISSN 2233-386X
9 772233 386008 >